


67 18 ff. + ^(mostly uncut) 124 pp 55 woodcuts - many in hand
10 plates hors text + a duplicate of
with movable slip


#6977



RENATUS DES CARTES
DE
HOMINE
FIGVRIS
ET
LATINITATE DONATUS

A
FLORENTIO SCHUYL,

Inclytæ Urbis Sylvæ Ducis Senatore, & ibidem
Philosophiæ Professore.



LVGDVNI BATAVORVM,
Apud PETRVM LEFFEN & FRANCISCVM
MOYARDVM.
CICLOCLXII.

RENAISSANCE GALLERY

HOMINE

THE NEW

EXHIBITION

THE NEW YORK

EXHIBITION



THE NEW YORK
EXHIBITION
MAY 1876
CLOSING



A D

LECTOREM.

Simplicem & apertam Veritatem obscuris, intricatis & spinosis argutiis, præposterâ quadam diligentia, involvi & obumbrari, jam dudum questi sunt doctrinæ solidioris Antistites. Quibus quidem nil videbatur injustius, quàm sterilem Veritatis larvam, difficilibus nugis & umbraticarum contentionum atque rixarum argutiis Veram Sapientiam mentientem, invasisse sacrosanctam Veritatis sedem. Nec quicquam turpius, quàm solius consuetudinis aut sectæ gratiâ, aliove præjudicio, sententiis hominum lubricis indubitatum assensum præbere. Et nondum clarè ac distinctè intellecta imprudenter dijudicare. Adeoque ex Intellectu, rerum omnium Domino & Dictatore, efficere mancipium inconstantie suæ, & libidinis alienæ. Quique propterea detestantes receptæ servitutis jugum, ardentissimis optarunt votis, ut divina Sophia tandem ab opinionum imposturis liberaretur. Attamen perpauci manus auxiliares præclaro

AD LECTOREM.

huic operi admoventur. Eorum, quos generosior inces-
sit Veri cupido, pars errores quosdam detegere, non cor-
rigere: dubitare & disputare, non demonstrare docta, in
refutationibus substitit. Pars verò, etiam falsis qui-
busdam opinionibus reprobatis, veras substituit: sed mox
perituras, eodem fato, quo conatus illorum, qui ædes in
arenoso solo ædificant: aut ruinam minitantes novo te-
cto exornant. Donec tandem, Deo propitio, Renatus
Des-Cartes oppressam Sophiam, post varios casus, pri-
stinæ libertati & decori restituit. Reformationem à
primis fundamentis exorsus. Mentem enim primum à
fallacibus phantasmatum involucris, obscuris, confusis,
dubiis, falsisque præjudiciis occupatam & præpeditam
sibi restituit. Veras Intellectus & Voluntatis fun-
ctiones, earumque summum perfectionis apicem palam
monstravit. Ideas sive conceptus innatos, ex ipsa mente
nostra emicantes, ab adventitiis: utrosque à fictis, &
pro arbitrio formatis, concinnè distinxit. Clarè & di-
stinctè intelligendi methodum, atque indubitatas rectè
judicandi regulas edocuit. Methodi denique suæ excel-
lentiam inauditis speciminibus, tum Matheseos, cum
aliarum Sophiæ partium, manifestam faciens, viam
stravit tutissimam, brevissimam, & facillimam ad om-
nia, quæ homo naturæ viribus assequi potest. Cui sanè
propterea immortales debentur laudes. Imprimis propter
triumphum à Theomastigibus Atheis reportatum: præ-
batà

AD LECTOREM.

batâ nimirum mentis humana spiritualitate & Dei Opt. Max. existentia, atque omnimodâ creaturarum à Creatore, Conservatore & Adjutore dependentiâ. Et sanè incomprehensibile illud Ens Entium, Deum Opt. Max. cogitationibus nostris, tam evidenter & distinctè conspiciendum exhibuit, ut nihil quicquam oculis, aliisve sensibus tam accuratè conspiciatur: & ne mathematicæ quidem veritates evidentiùs & distinctiùs demonstrari queant. Ipsâque luce clariùs probatum dedit, quemadmodum creaturarum essentie atque operationes in solidum à Deo dependent, sic etiam consummatam omnium rerum veritatem ab ipsius Dei cognitione pendere. Adeoque Deum omni ratione esse A & Ω. Quo omnes ejus labores unicè collimant: uti palam protestantur juxta piâ ipsius prefationem, sublimibus ejus Meditationibus præfixam, omnes ejus Philosophici conatus: quorum gloriam non aliunde affectat, quàm ex ipsius Dei gloriâ. Verum enim verò, jacto hoc solidissimo Pietatis, id est, omnium virtutum fundamento, ut Atheismum funditus dirueret, profligare voluit teterriam illam opinionem, quæ incorpoream atque incorruptibilem Mentem, cujus ratione homo speciali prerogativa dicitur imago Dei, nimia brutorum affinitate profanando, hominem in bruta, brutaque in homines, nefandâ quâdam metamorphosi & Metempsychosi commutare satagit. Quam vanitatem, ut inventum quod-

AD LECTOREM.

dam Diaboli, meritò detestatur B. Chrysostomus Homil. 4. in acta. Exdamans; per Philosophos hoc semper egisse Diabolum, ut ostenderet, nostrum genus nihil à brutis differre. Et sane quam plurimos non infimæ notæ Philosophos ejus fuisse sententiæ, notius est, quam ut probari debeat. Id certè docuerunt Soroaster, Pythagoras, Anaxagoras, Plato, Plinius, Plutarchus, Porphyrius, Lipsius, alique penè innumeri. Nec magno intervallo ab hoc errore distare videtur, quod Aristoteles ait haud procul ab initio libri VIII. Histor. Animal. nimirum; Se propemodum statuere, animam humanam, ætate puerili, nihil ab anima Brutorum differre: quam & prudentiæ & disciplinæ capacem ait lib. I. Metaph. cap. I. quamvis alibi distinctione, quam paulò post rejicimus, facultatis æstimativæ à cogitativâ sive ratione, Belluarum animas ab humanis sejungere nitatur. Nec desunt hoc ipso tempore plurimi Encratistarum nasse irriti. Quin etiam universæ Regionēs eò usque his tenebris involutæ, ut vitam pulicis aut pediculi precibus & argento supersticiosè redimere satagant. Quæ profectò hæresis, omnes prorsus pietatis nervos incidens, tantò exactius refellenda, quantò proclivior in illam lapsus. Imprudentibus enim facile contingit, quod tennelle ætati, quæ tremulis puppis vitam tribuit, quia veram illarum motus causam ignorans, earumque
mem-

AD LECTOREM.

membra, suis utcunque similia, simili motu concitari observans, putat motum illum, fallax vitæ indicium, ab anima pariter ac in hominibus determinari. Haud dispari imprudentiâ & prodigalitate Peripatismus præter Creatoris intentionem, plantas animâ vitâque donavit. Non eâ tantum, quæ in partium dispositione consistens, vegetationis causa est: sed & aliâ, quam veræ causæ ignorantia, velut mentem, sive substantiam à plantarum materiâ sive corpore plane diversam, iis affinxit ex arbitrio. Qui quidem error haud difficulter refellitur. Omnium enim Plantarum facultatum exercitia, nullâ istiusmodi animâ consideratâ, facile concipiuntur. Etenim non est, quod quempiam lateat, quâ ratione pro tempestatis, dierum, noctiumque vicissitudine, succus sive alimentum in plantas antè calore rarefactas, subsequente frigore, non aliter quàm sanguis in cucurbitulas, quod vel vitreâ arbusculâ ad oculum demonstrari potest, per poros radicum adigatur, sursum pellatur atque attollatur, quaquaversum distribuatur fermentetur, & redeunte calore effervescat, & elaboretur. Vnde planta distendatur, & tandem oculi, folia, rami, flores, semina, fructus ebulliant, condensentur, & velut crystalligentur. Diversa quidem pro diversitate succi, & pororum, per quos illi transitus est. Quæ quidem pororum diversitas, singulis plantarum speciebus propria, oritur ex diversitate pororum matris cujusque seminis,

atque

AD LECTOREM.

atque plantæ: & succi materni illos perforantis, quemadmodum illos Naturæ Fabricator primùm condidit. Nec est, quod quemquam fortè remoretur abstrusior plantarum generatio, si nulla prorsus ratio ejusmodi animæ habeatur. Etenim plantarum semen omninò nihil aliud esse, quàm ramusculum, pulpâ quadam, velut capsulâ, conclusum, autopsiâ constat. Vnde sequitur eodem planè modo, quo rami, & semina produci, nutriri, atque crescere. Quæ verò de sexus discrimine, & conjugali plantarum amore Plinius, & plerique Bœtanici, licentiori Rhetorum colore, memoriæ commendarunt, rationis rivo facile diluuntur. Hæc videlicet non propriè, sed tropicè intelligenda. Haud dispari metaphora dixeris Cælum, jugi suo influxu Tellurem sibi subjektam vario rerum genere fecundans, officio mariti defungi: quemadmodum & Aristoteles. lib. 1. de generat. anim. cap. 2. Cælum appellat Patrem, terram Matrem. Quin etiam Marpesias cautes, & si quid iis rigidius, mutuo quodam affectu flagrare. Quandoquidem nihil non sympathia quadam tangi, non docent modo Peripatetici: verum etiam velut edicto præcipiunt, multos sibi insolubiles nodos hac ignorantie machæra secare soliti. Veruntamen, eò usque non sunt animarum prodigi, ut lapidibus animam largiantur. Hinc Aristot. lib. 1. de Anim. tex. 32. absonis Philosophorum sententiis & hanc annumerat, quæ magnetem, quia ferrum trahit, anima-

AD LECTOREM.

animatum esse affirmat. Quapropter, quia in Catalogo herbarum & lapidearum recensentur, non modo multiplices coralliorum species, sed & corallinae, aliaeque, necesse est concedant, herbarum quasdam animâ destitutas esse: quæ, quandoquidem sine animâ nutriri & crescere queunt, manifesto argumento sunt cæteris quoque non ex necessitate, sed ex mero arbitrio animam assui. Certè semina quadam ex metallis sæpè composui, ex quibus diversarum formarum plantæ de coralliorum & corallinarum specie, derepentè pullularunt. Jam dudum itaque evanuit opinio, quæ plantas vera quadam anima præditas adstruxit. Quam & Epicurei & Stoici quondam rejecerunt: unde Lucretius lib. I. Non ex animo quid corpore, ut arbor. Et Galenus, plantas in classem inanimatorum non semel redigit: uti & Augustinus Lib. de quantitate Animæ. Quemadmodum etiam jam pridem explosa est exorbitans illa paucorum opinio, qui Universum animarum plenum esse: vel etiam cum Manichæis, cuncta communi quadam anima Mundi vivificari existimant: nisi fortè ludant, sub animæ cortice, Deum improprie intelligentes. Qui verò isti errori etiamnum adherent, sententiam suam, uti opinor, non poterunt non mutare, simulac quævis Naturæ Opera manifestis & ab omnibus concessis principiis ex Des Cartes demonstrare didicerint. Ratio enim non patitur, ut manifestè demonstrata pro libitu fictis &

AD LECTOREM.

*abditis posthabeantur. Neque natura, ejusve explicatio
 temerariis hominum figmentis indiget. Sed quia major
 organorum & actionum corporearum similitudo in ho-
 minibus & brutis conspicitur, quàm in ullis aliis rebus,
 longè altiores radices egit præjudicium, quo Bruta co-
 gnoscitiva anima constare dicuntur. Quod quidem ma-
 lum ut Vir prudentissimus ex professo radicitus extirpet,
 primum omne virus ambiguitatis exsecandum monet, &
 Bestiis quidem vitam, uti quoque sæpè S.S. Scriptura,
 libens concedit: attamen illam duntaxat, quæ in solâ
 requisitâ corporis dispositione, & calore consistit: &
 sensum, sed eum, qui sola organorum corporeorum af-
 fectione, sine ulla cognitione, absolvitur: & animam
 denique, sed illam duntaxat, quæ ipse sanguis sit, &
 comprimis subtilior ejus pars, istius generis vitæ & sen-
 suum exercitiis apta. Negat verò Bestiis animam,
 quæ sit substantia cognoscens, sive realiter à materia
 seu corpore diversa. Propterea quoque negat, illas ve-
 ra cognitione, appetitu, motuque verè spontaneo prædi-
 tas esse. Deinde, ut huic morbo, quo totus propemodùm
 mundus laborat, ex arte medeatur, remedium sumit ab
 humano corpore, quod quisque circumfert, unde malè
 occasio fluxit. Imprimis igitur, distinguit inter Men-
 tem, sive principium incorporeum, & Corpus: atque ope-
 rationes & determinationes, quæ ab utroque dependent.
 Quo constet cogitationes quidem ab anima, motum ve-
 rò &*

AD LECTOREM.

ro & calorem membrorum à corpore procedere. Vid.
Des-Cartes de pass. animi part. i. Art. 4. & 5. Præ-
 terea determinari quidem à voluntate varios membro-
 rum motus. Attamen præter hos omnes, & alios hu-
 mani corporis motus observari, à mente sive anima co-
 gnoscante non determinatos. Qui mediantibus nervis
 & musculis, beneficio spirituum animalium, quorum
 impetus vel objectorum occasione, vel peculiari cerebri
 dispositione per conarium sive glandulam pinealem,
 nullo prorsus alio principio adjuvante, commodè deter-
 minentur. Qui propterea quidem in homine exer-
 centur, sed non per hominem, ut loquitur *Author* no-
 ster, Vol. II. Epist. II. §. 2. Corruit igitur argumentum,
 quo sibi persuaferunt incauti, Bruta cognoscitivâ ani-
 mâ prædita esse, unice desumptum à motibus membro-
 rum ipsorum, si motus illos à sola organorum dispositio-
 ne & spiritibus, neutiquam adjuvante vel cognitione,
 vel voluntate sive appetitu exerceri posse constiterit.
 Hoc autem vel ex motibus repentinis iudicium ante-
 vertentibus constat: veletiam, & quidem manifestius,
 ex Epilepticorum symptomatibus, aliisque humani cor-
 poris convulsibus. Illis enim ipsis, qui eos patiuntur,
 prorsus nesciis, aut etiam invitis, membra vehementer,
 imò etiam vehementius jactantur, quàm si voluntas
 ipsa motus illos excitasset. Quinetiam humano corpore
 in duas partes fortè, circa septum transversum, uno ictu,

AD LECTOREM.

aut saltem acuto acinace subito diviso, quod aliquoties à Turcis crudeliter factitatum esse variorum auctoritate probat Licetus: vel potius, ne minus nota loquar, capite à reliquo corpore humano subito ablato, varii motus utrinque apparere solent. Hinc enim percipiuntur cordis palpitatio, arteriarum pulsus, brachiorum crurumque commotiones, manuum contractiones, extensiones, imò etiam quandoque incessus: quod & Aristot. lib. III. cap. 10. de Part. Anim. agnoscit. Illinc interea, quomodo resectum caput identidem os aperit clauditque, linguam exserit, oculos quaqua versum convertit, palpebras motat. Vnde sanè evidenter patescit, tam multas sibi que contrarias actiones ab anima, sive voluntate, antè non fuisse determinatas: adeoque illas, absente anima, non nisi à corporeo principio, spiritibus nimirum, nervis, & musculis exerceri, & à corporis dispositione determinari. Indivisibilem enim animam utramque partem divisam informare repugnat. Solummodò igitur describendus modus, quo spiritus sua natura effrenati & vagabundi, ordine tam concinno, quem omnes in bestiis admiramur, in nervos, musculosve deriventur, ad motus tam diversos tam ordinatè ciendos. Ansam huic rei præbere videtur volucris Archite Tarentini columba, quæ libramentis affabrè factis suspensa, & aura spiritus inclusâ atque occultâ concita volavit. Vid. Gell. lib. x. cap. 12. Vt & Ioh. Regiomontani
aqui-

AD LECTOREM.

aquila lignea, quæ in aëra sese recipiens, Imperatori Norimbergam tendenti viam monstravit. Et ejusdem Artificis apicula sive musca volatilis. Quin etiam Alberti Magni caput fictile, quod datâ occasione verba protulit: cujus descriptionem reddere conatur Johannes Baptista à Porta in Magia sua Naturali. Nec non ferrea statua, quæ per varios anfractus ad Regem Marocco accessit, flexisque genibus oblato libello supplici libertatem Authori suo imploravit, & eadem via reversa fuit, ut refert Nicolaus à VVassenaer, Hist. Tom. v. ad Annum 1623. Huc denique comprimis facit tantoperè decantata lignea Dædali Venus, quæ infuso argento vivo, velut sanguine, progressa dicitur. Aliaque automata ambulancia, & velut loquentia, quorum meminerunt Lud. Cæll. Rhodiginus Antiq. Lect. Kircherus, aliique. Etenim quis dubitet, quin Omnipotens Bestiam, velut opus istiusmodi mechanicum creare possit, quod homo facile concipere, & penè efficere queat? Nec est quod quis agrè ferat bestias Automatibus comparari. Ipse Aristoteles prævit. Etenim, automatum instrumenta nervorum, ossium & vertrebrarum naturam habere, & quemadmodum illa parvo moventur impulsu, & exigua factâ mutatione diversimodè impelluntur, ut navigia moto clavo, sic etiam animalia moveri statuit lib. de Animal. motione cap. vii. & lib. ii. de somno &

AD LECTOREM.

vigilia: quinetiam impetu spiritûs innati in corde
 consistentis, velut igneâ quadam vi animalium
 membra moveri *asserit* lib.v. de Juventute: & Pro-
 blematum sectione xxxiii. 15. nec non cap. x. de
 Animal. motione. Quibus addeſis lib. de ſpiritu.
 Verum quò dubium ipſum prorsus enodetur; Si beſtiæ
 cognitione præditæ forent, conſcientiâ iis non eſſet dene-
 ganda: nulla enim cognitio ſine conſcientiâ concipi po-
 teſt, uti verè docet Author Vol.ii. Epist. vi. §. 4. &
 ſanè negatâ conſcientiâ, quævis cognitio fruſtra foret.
 Deinde etiam iis concedenda eſſet cognitio reflexa, quâ
 diſtinguerent inter rem & rem. Quin etiam notitia
 univerſalium, quâ quodlibet alimentum ſuum, etiam
 illud, quod ante nunquam ullis ſenſibus exceperant, pro-
 ſcquerentur. Atque hunc & quemlibet ignem, aliumve
 naturæ ſuæ hoſtem, illum etiam, quem nunquam vide-
 runt, ſibi adverſum & vitandum eſſe noſſent. Præ-
 terea finem cognoscerent & media, ſive rationem utili-
 tatis, uti nidorum fabrica, atque pullorum educatio com-
 probant. Denique vera ratiocinatio Belluïs pleno ju-
 re competeret. Tribuunt enim illis ſenſum communem,
 Phantaſiam & Œſtimativam: atqui hæc ajunt beſtias
 ex ſpeciebus ſenſatis efficere non ſenſatas. Vt nimirum
 viſis, exempli gratiâ, caſſibus, laqueo, aut ſclopeto, fu-
 giant & futura cognoscant. Quæ ſanè cognitio vel ra-
 tiocinatio erit, vel ratiocinio tantò excellentior, quanto
 eſſet

AD LECTOREM.

esset simplicior, illisque magis ex ipsâ naturâ, sine labore, aut propria industria adveniret: Sed circò minùs subesset erroribus: adeoque major Imaginis Divinæ splendor in eadem elucesceret. Ut distinctio inter Cogitativam, quam hominibus, & Æstimativam quam Belluis convenire magno molimine conantur asstruere, sit inane imbellium animarum Commentum: uti prolixè probat Gometius de Pereira, qui (ex sententiâ celeberrimi D. Ger. Ioh. Vossii, Lib. III. de Idololatria cap. 41.) in opere suo triginta à se annis elaborato, omnium primus publicè professus est, Bestias omni cognitione carere. Ex Adversariorum itaque sententiâ sequeretur, animantia Bruta esse vel ejusdem nobiscum generis, vel præstantioris naturæ. Tantam autem affinitatam Nobis cum Bestiis non intercedere, neque etiam illas tantæ dignitatis esse constabit, uti existimo, si probatum fuerit, Cognitionem, quâ aguntur bestię, non illarum esse, sed ipsius Authoris Naturæ, cujus sapientiam omnes creaturæ celebrant: juxta decantatum illud; Opus naturæ est opus intelligentiæ. Secundùm hanc providentiam gravia deorsum, levia sursum feruntur: totumque hujus Mundi horologium tam ordinatè circumagitur. Hęc Tulipa, licet omni propria cognitione destituta, folia sua matutino Soli explicat, quæ, ne à nocturno frigore semini fiat injuria, vesperi colligit, atque constringit. Sed ut propositio nostra firmiter adstruatur: Industria longè major

AD LECTOREM.

jor apparet in belluis, quam puerulis aut vesanis utcu-
 que loquendi peritis, ut ipsa testatur experientia, atque
 ex Aristotele, Plinio, Solino, Æliano, Aldrovando, Ges-
 nero, Jonstono, aliisque innumeris manifestum est,
 quamvis ab his multa dicantur, quorum fides sit penes
 Authores. Et tamen nulla bestiarum vel astutissima-
 rum unquam discere potuit, vel tria numerare: vel etiam
 voce nutuque loqui, sive conceptus suos exprimere: aut
 ad interrogata respondere, licet multis annis inter ho-
 mines in eum finem cum curâ fuerit educata, & orga-
 nis ad loquendum aut significandum abundè sit instru-
 eta. Vti psittacus, αἰθρῶπι γλῶττι & propterea dictus, pica,
 corvus, aliaque bruta protestantur. Vnde Aristoteles
 perquàm accuratè statuit Hist. Animal. lib. iv. c. 9.
 & de Gen. Anim. lib. v. c. 7. Loquelam hominis
 proprium attributum esse. Canis autem, quod qui-
 dam objectant, caudâ non abblanditur utilitati sue stu-
 dens, aut verè gratitudinem suam hero ostentans, quod
 citra rationem fieri non possêt, sed movetur solummodò
 motibus, qui concatenatis cerebri nervorumque particu-
 lis, Spirituumque determinatis effluxibus, affectus illius
 comitantur. Quique adeò à solâ corporeâ sive organorum
 dispositione dependent, ut docet Author noster tum toto
 hoc libello, cum Vol. i. Epistolarum p. 362 & alibi:
 Simili ratione, naturales bestiarum voces interpretari
 licet, quibus bonam malamve corporis constitutionem, &
 affe-

A D L E C T O R E M.

affectionem, veluti voluptatem, libidinem, dolorem, iram, spem, similesque affectus rugitu, balatu, mugitu, aliave voce (de quâ videſis Ariſtotelem lib. iv. de Hiſt. Anim. cap. 9. & Ovidium in Luſcinia) designare videntur. Quod argumentum ut beſtiis rationem & loquelam conciliet, diffuſè proſequitur Porphyrius lib. III. De non edenda carne. Et Fabricius ab Aquâ Pendente ſingulari libro de beſtiarum loquelâ. Beſtiarum igitur voces non magis arguunt cognoſcentem animam, quàm ſtrepitus rotæ circum axem ſiccum actæ ejus ſitim, aut campanæ ſtridor ejus vulnus, aut corii in ignem conjeſti palpitatio ejus dolorem. Nam proſectò tanta belluarum, ejuſdem ſpeciei vocum, morumque convenientia, ubi vis locorum & à quibuſvis fuerint educatæ: ex adverſo verò tanta Gentium loquendi morumque varietas, ut externus alieno penè non ſit hominis vice, non aliundè eſt, quàm quia articuli & loquela munus voluntarium & abſolutè liberum eſt; ut ipſe loquitur Fabricius ab Aquâ Pendente. Nihil enim magis ἀδιάφορον, quam mentem hiſ aut illiſ ſignis interpretari. Quod itaque non niſi ab Intellectu & Voluntate proficiſcitur: atque homo ſpontè ſivè liberè agendi facultate præditus eſt, nulla vero beſtiarum capacitas ab animâ quâdam cognoſcente ſponteque agente promanat. Vtpote, quarum anima non niſi in partium concinnâ ſtructurâ cuique ſpeciei propria, ſanguis

AD LECTOREM.

nis temperamento & spiritibus animalibus consistit: atque ad motus duntaxat corporeos determinatè cierendos facit. Vnde etiam Bestiæ non docentur verbis, sed clamoribus vel saltem sonis, verberibus vel etiam stomachi corrosione, quæ psittaco expedit vit suum καπε: iisque motibus, quibus illi bestiarum muscoli ad agendum proritantur, quorum exercitium Magister desiderat, quibus videlicet cerebrum eorum, velut organum sensitivum pro libitu commovetur. Deridicula igitur vanitatis est, cuius meminit Porphyrius lib. III. de non edendâ carne, videlicet Apollonium Thyaneum, Melampodem, Thiresiam & Thaletem loquelas Brutorum calluisse. Cujus artis methodum à Plinio Secundo traditam, merito ridet A. Gellius loco supra citato. Quia igitur bestiæ loqui nequeunt, quo latentem suam cognitionem prodant, & nemo unquam intimis illarum cogitationibus aut consiliis intervenit: atque omnes ipsarum actiones materiales sive membrorum commotiones sunt: [Nam ut res ipsa loquitur & ipse Augustinus lib. I. de Liber. Arb. cap. 8. appetere voluptates corporis, id est, moveri ad illa, quibus corpus benè afficitur, & vitare molestias, id est, removeri à contrariis, ferinæ vitæ omnis actio est: quæ sola membrorum motione absolvitur, nullamque aliam causam requirit, præter eam, quæ membra moveat, ad quod spirituum animalium atque corporis dispositio, uti proba-

AD LECTOREM.

tum est, abunde sufficiunt] sequitur, eos, qui hinc bestiarum animas cognoscentes deducere conantur, plura inferre, quàm probârunt: & entia citra necessitatem multiplicare: adeoque Bestias omni significato dicendas esse ἀλογα ζῶα, ut illas S. S. Petrus & Judas appellant, omni prorsus cognitione & sermone carentes. Ceterùm si ad reliquas Bestiarum actiones convertamus oculos, certè nulli Bestiarum tantillum cognitionis inest, ut sese vel adversus frigoris injurias vestire queat. Hinc Natura unum animantium cunctorum, solum videlicet hominem, alienis velat opibus, ut Plinius in Procœm. lib. VII. Bestiæ verò, uti plantæ, pro locorum aut tempestatum vicissitudine naturâ vestiuntur, magis minusve, prout opus est, aut nude procreantur. Nulla quoque earum utitur igne, aut artibus ad vitam utilibus, quamvis perceptu facillimis sese instituit: quæ sanè cognitionis carentiam arguunt. Quia enim hæc multo minorem sagacitatem requirunt, quàm admiranda favorum nidorumque structura; manifesto argumento sunt, neque hanc, neque alia magis admiranda Bestiarum opera ab insitâ Bestiis cognitione promanare. Nec est, quod quis S. S. Scripturæ loca nobis objiciat, nimirùm Jesaïæ 1. 3. Jer. VIII. 7. Job. XXVIII. 7. 8. Prov. VI. 6. Matth. X. 16. aliaque his similia. Etenim hæc non minus metaphoricè intelligenda esse, quàm cùm Psalm. CXLVIII. cælum omniaque sidera, terra & quævis ani-

AD LECTOREM.

mantia ad laudem Dei incitantur. Et Job. xxxix. 3. Pulli corvorum dicuntur invocare Deum. Et Salvator noster aquas objurgasse sive increpasse legitur Matth. viii. 26. Add. Rom. viii. 20. Quotiescunque igitur prosopopœiâ quâdam, aliâve figurâ Rhetoricâ hominis propria attributa bestis adscribuntur, id ὡς ἀνθρώπος intelligendum est: quemadmodum pœnitentia, ab hominis imbecillitate ad Deum translata, ὡς ἀνθρώπος sumenda est. Nimirum, propter similitudinem non formalem & affectuum, sed duntaxat materialem & effectorum. Nec aliter interpretari fas est, quod I. Cⁱ docent, Bruta quoque esse juris perita: Vti manifestè sequitur vel ex eo, quia Bruta animantia injuriam nec pati possunt, nec inferre. Inst. lib. iv. Tit. 9. nec pœnarum, nec præmiorum propriè sunt capacia. Neq; etiam aliam, uti opinor, Deus nobis injungit misericordiam erga jumenta, quàm quâ hortulanus ille Evangelicus commotus fuit erga ficum: benevolentiam nimirum erga creaturas quaslibet, & imprimis erga digniores: quo sensu & sepelire mortuos opus misericordiæ dici videtur. Sed audiat ipse Naturæ Author optimus suorum Operum interpres: Carnem, inquit, Gen. ix. 4. cum anima sua, id est, sanguine, ne comedito. Et Lev. xvii. 14. Est enim anima omnis carnis: sanguis illi est animæ vice. Et Deut. xii. 23. Solummodò retinete, ne sanguinem edatis: sanguis enim anima

A D L E C T O R E M.

ma est, ideò animam cum carne non comedetis. Et eodem redit Levit. xvii. ii. Anima carnis est in sanguine. Quia videlicet ratio vitæ sensusque materialis, id est, affectionis cerebri dependentis vel à propria ipsius dispositione, vel ab objectis, primariò consistit in subtilioribus sanguinis particulis: spiritibus nempe, qui sanguini insunt. Vid. Des Cartes Vol. ii. Ep. 10. Vel quatenus sanguini & spiritibus inest vigor, motus seu agitatio cuilibet Belluæ ad functiones vitales & animales exercendas necessaria: ut à Danao Brutorum animantium anima appositè definiatur, insitus illis à Deo vigor & calor, qui ex corporis eorum temperamento excitatus & pendens, illique planè colligatus, vi efficacissimâ eorum corpus agit & movet. Physic. Christ. Tract. v. cap. 7. Confer & cap. 8. Tract. v. cap. 4. Etenim sive Belluarum anima definiatur per substantiam, quæ à formali ratione restringatur: nimirum per sanguinem tali vigore & facultate præditum, id est, ita temperatum, & agitatum, ut functiones animales exercere possit. Sive per rationem formalem, quâ ipsa substantia afficiatur: nempe per vigorem, quo sanguis ita affectus est, quique sanguini, ut ejus modus, inest, atque censeri debet animæ bestiarum attributum essenziale sive ratio ejus formalis, res eodem redit. Verè igitur anima Belluarum & sanguis dicitur, &

AD LECTOREM.

esse in sanguine. *Nec aliter illa S. S. Scripturæ verba intelligenda esse Summus controversiarum Index his verbis disertè docet, Gen. 1. 20. Producant, inquit, Aquæ copiam animarum viventium: Et paulo post versu 24; producat Terra animas viventes. Audiamus, si placet, Venerandi Patris Basilii accuratissima ad hunc locum scholia.* Cur, inquit, Terra animam viventem educit? ut differentiam discas animæ pecoris, & animæ hominis: paulò post cognosces, quomodo anima hominis constituta est. Nunc de Brutorum anima audi: Quandoquidem juxta id, quod scriptum est, omnis animalis anima sanguis ipsius est, sanguis autem concretus in carnem transmutari solet, caro autem corrupta in terram resolvitur; Mortuum quid meritò brutorum anima existit: producat igitur Terra animam viventem. Vide consequentiam animæ ad sanguinem, sanguinis ad carnem, carnis ad Terram: & rursus resolutione factâ, per eadem revertere, à Terra ad carnem, à carne ad sanguinem, à sanguine ad animam, & invenies, quod Terra est anima brutorum. Ne putes antiquiorem esse substantiâ corporis ipsorum, neque permanere post carnis dissolutionem. Fuge nugæ arrogantium Philosophorum, qui non erubescunt suas ipsorum animas & caninas ejusdem inter se speciei

A D L E C T O R E M.

ciei statuere. Confer Eccles III. 21. & XII. 7. & constabit, reverti quidem animam Humanam ad Deum, qui dedit eam, animam verò Bestiarum ad Terram, quæ ipsam produxit.

Cedit enim retrò, de terrâ quod fuit antè,
In terram, sed quod missum est ex ætheris oris,
Id rursus cœli fulgentia templa receptant.

Nec uti ego existimo, alio sensu Gen. VII. v. 2. Caro, quâ omnis generis Bestiæ, ibi & locis citatis expressim denotantur, homini directè opponitur. Vt Bestiis propriè & absolutè carnis nomen competat, hominibus verò non nisi synecdochicè: vel etiam metaphoricè, quatenus bestiarum mores referunt. Vtrumque unico S. Scripturæ effato probatur: Ne sitis, inquit Propheta, sicut equus aut mulus, quibus nulla inest cognitio: cui apprimè quadrat locus II. Pet. 2. ubi Bruta dicuntur ἀλογα ζῷα, nata in hoc ipsum, ut capiantur & perdantur. Ex quibus sanè constat quàm evidentissimè, Bestiarum animam non esse cognoscentem, sed materiam, terram & aquam, sive corpus: nimirum sanguinem & imprimis sanguinis spiritus ad Bruti actiones edendas dispositos & actos. At vero, quo porrò veritas authoritate Divina & Ratione probata, luculentis rerum testimoniis confirmetur. Annon quotidie Terra producit bestias non figura tantum tenus, erucas, apes, araneas, dracones, oves &c. sed etiam revera, quæ sponte orta vocantur?

An.

AD LECTOREM.

An non bestiarum animalium corporeitatem demonstrat serpentum, lacertarum, & innumerorum insectorum, animalculorum ex Vulgi sententia prudentissimorum, divisibilitas, quæ Philosophorum unanimi consensu materiae proprietas censetur? Exemplo nobis sint vermes, blattæ, muscæ, apes, vespæ, scarabæi &c. & imprimis scolopendra, quæ uti mihi constat experientiâ, capite à reliquo suo corpore resecto, per mensem & ultra vitam trahere videtur. Nec est quod ἐντόμασι sive insectis viliores fortè animas inesse existimes: majorem enim attentione, ut loquitur Augustinus, stupemus agilitatem muscæ. Adde & apicula admiranda, quàm magnitudinem jumenti gradientis. Quin etiam lib. de quantitate animæ, ex professo ait asininum esse negare, plus sapere apiculam, quàm asinum. Jure igitur meritoque Viri Excellentes, præ cæteris animantibus

*Esse apibus partem Divinæ Mentis & haustus
Æthereos dixere:*

Sensum quoque belluinum quamvis obscuriorem in murium novaculâ dissectorum partibus utrimque observavimus, clariorem verò in dissectionis lacertis, serpentibus, anguillis, ranis, aliisque innumeris. Hæc belluinarum animarum divisibilitas ex Aristotele quoque lib. 1. de Anima text. 93. necessariò sequitur; Videmus, inquit, & plantas divisas vivere, & animalium insecto-

A D L E C T O R E M.

sectorum nonnulla, utpote animam, etsi non numero, tamen SPECIE EANDEM habentia. Itaque partium utraque & sensum habet, & per aliquod tempus loco movetur. Nec absurdum est, si non perdurant: instrumentis enim destituuntur, quibus naturam conservent: sed nihilominus omnes in utraque partium insunt animæ potentiæ. *Eadem ferè repetit lib. II. de Anim. text. 20. statuitque; Animam illam esse actu unam, potentiâ multiplicem, ut planta. Adde sis lib. IV. Hist. Anim. cap. 7. Sed quod ibi de insectis, id de aliis etiam animalibus affirmat lib. de Juvent. & senect. cap. 2. his verbis; Pleraque enim animalia ademptâ utrâvis parte, id est, aut eâ, quæ vocatur caput, aut eâ, quæ ingestos continet cibos, cum quacunque eâ sit, vivere solent: id quod aperte in insectis, ut vespis & apibus usu venit. Sed & plurima, quæ insecta non sunt, præcisa ob vegetandi principium vivere queunt. Et paulò post; Nec secus de sentiente quoque principio dicendum. Adde sis Arist. de Animalium incessu. c. VII. Excipiunt vulgò Peripatetici Bestiarum animas non dividi per se, sed duntaxat per accidens, sive ratione materiæ, cui insunt, nec aliam Aristotelis mentem esse mordicè contendunt: Ast quicquid sit de Aristotelis sententiâ, nemo negaverit hanc distinctionem, à modis*
d
rerum

AD LECTOREM.

rerum ad ipsas substantias perperam transferri. Et enim, quia Modi non sunt entia, sed duntaxat entis determinationes, quemadmodum per se non sunt, sic etiam per se dividi nequeunt, sed solummodo per id, cuius determinationes sunt: attributa enim rerum essentiis respondent. At animæ sensitivæ longè dispar est ratio, quæ Aristoteli & Peripateticis non modo substantiâ, sed etiam corpore longè dignior censetur. Quapropter quia, uti constat, anima Belluarum sensitiva divisibilis est, non aliter divisibilis est, quam uti est, cuius nimirum partes revera post divisionem existant. Ita ut Bestiarum anima cum alio quidem, sed nihilominus per se, id est, per suam essentiam dirimatur. Quod vel ex diviso scolopendræ corpore manifestum est: ejus enim anima utrimque revera reperitur,

Vivaque adhuc animæque aliquid retinentia membra.

Utraque enim scolopendræ pars, imò etiam quævis, haud secus, ac si totum animal foret, progredi, prosequi & fugere videtur. Nec tamen quis dixerit illam animam, quæ totum scolopendræ corpus, cum nondum esset divisum, occupaverat, post, divisâ scolopendrâ, utramque partem informare, & tamen non esse in intermedio loco, atque nihilominus illius animam manere indivisam, unam sive totam. Etenim pars altera stylo tacta contorquet sese ad locum affectum, alterâ interim nihil sentiente,

A D L E C T O R E M.

ziente, suosque motus alibi tranquille peragente. Sequitur ergò animam totam toti scolopendræ corpori, ejusque partem parti corporis divisæ respondere: ideoque ipsam, divisione peractâ, ratione essentiæ sive substantiæ, atque essentialiter divisam esse: & antea suâ extensâ essentiâ essentialiter divisibilem sive corpus fuisse: quod probandum erat. Quia igitur constat scolopendram indefinitè dividi posse, & quamlibet ejus partem divisam vivere: non existimo quemquam eò usque ridiculis figmentis abreptum iri, ut ad hoc pertinaciter negandum, mallet, Entia frustra, & renitente ratione multiplicando, indefinitas animas fingere, quæ scolopendram, similesque Bestias obsiderent: quarum in uno corpore subordinationem & conspirationem nemo sibi persuaserit. Animarum belluarum divisibilitas porrò comprobatur, quia, ut totus profitetur Peripatismus, animæ Brutorum sunt materiales: ideoque sola anima Rationalis dicitur tota in toto, & tota in singulis partibus: cæteræ verò animæ sunt expansæ secundum extensionem materiæ, ut alia pars animæ alii parti corporis respondeat. Eodem redit, quod ajunt, brutorum animas Vi seminis produci, sive ex traduce seminali, atque ex potentia materiæ, adeoque ex terra & aqua educi, ut ex unâ bestiолâ indefinite animæ, velut ex equo Trojano, prorumpant. Quamvis, ut eorum pars longè maxima impetuosè contendit, non modò nullæ animæ, sed nil quic-

AD LECTOREM.

quam illarum præfuerit. Pauci enim, quo ficulneo fundamento! jam non disputo, cum Liceto opinantur, Bestiarum animas, quas materiales agnoscunt, inertes & velut stertentes in materia, velut in quodam vase, contineri: unde vel excretionem vel corruptionem eliciantur, vel etiam divisione multiplicentur. Omnes autem contrariis rationibus confusi unanimi consensu palam fatentur sese, hic ignoto Deo litantes, prorsus ignorare Belluinarum animarum essentiam, ortum, interitum, atque operationes: uti aliàs Disputationibus nostris de forma substantiali, & in animarum prodigos, ex professo probavimus. Ut hæc ipsorum sententia de Bestiarum animâ ex clarâ & distinctâ cognitione neutiquam sit profecta, sed ex cæco impetu introducta. Probatâ igitur animæ bestiarum materialitate, sequitur, quia causatum causâ suâ dignius esse nequit, Brutorum animam, ex semine, sanguine, carne, vel terra, sive materiâ progeneratam, esse corpus calore & vigore vitali atque animali, sive sensitivo affectum, eo sensu, quo id paulò ante descripsimus. Indubium autem est, corpus esse substantiam materiale trina dimensione extensam: quam materiam vocamus. Hæc verò principium merè passivum est. Quæ idcirco se ipsam movere nequit, ut expressis verbis Arist. XII. Met. cap. 6. & VIII. Phys. text. 28. docet; Corpora quidem constare Motus principio non movendi & agendi, sed

AD LECTOREM.

sed duntaxat patiendi. Quam sanè corpoream molem mortuam & inertem instar trunci, plusquam toto cælo differre ab animâ cognoscente, truncus sit, qui non videat. Mens enim, sive cognoscens anima non modo ipsa sese excitat, & ad intelligendum accingit, sed etiam actionis illius conscia pro libitu cogitationes suas fovet, vel mutat, atque tùm materialia, tùm spiritualia concipit, affirmat, negat &c. Nec est, quod quis phantasmatibus immersus existimet corpora fortè in quandam velut spiritualitatem extenuata, illam demum intelligendi capacitatem acquirere. Etenim licet subtilissimorum spirituum animalium, aut vitalium quintam essentiam quis concipiat, illa non minus desinet esse corpus, quam quod est crassissimum. Cum subtilitas, tenuitas sive λεπτότης, non minus, quam crassities, sit quidam corporis modus. Quapropter, quia nulla mutatio corpori accidit, nisi per motum, quo partes corporis tantummodo possunt dividi, componi, adeoque situs, aut figura corporis mutari, aut corpus ejusque partes motu affici: Quid, quæso, his materie dispositionibus cum cognitione commune? Certè nihil prorsus. Consule, si libet, Des Cartes Meditationes, eaque quibus Programma D. Regii confutavit: Optimum horum Interpretem, Philosophorum Antesignanū, Tobiam Andrææ, & abundè tibi satisfactum fateberis. Certè si anima, exempli gratiâ, canis divisibilis foret, ne ullum quidem catulorum

AD LECTOREM.

suorum nosset. Singula enim particula catuli responderent singulis particulis animæ caninæ, quæ ab illis eodem planè modo afficerentur, quo singula particula speculi à singulis objecti particulis. Quævis igitur animæ caninæ particula eam tantum catuli sui particulam agnosceret, quâ ipsa afficeretur. Canis autem catulum suum ex singulis ejus minutis agnoscere nequit, & tamen, cum tota ejus anima divisibilis sit, affectæ illæ minimæ particula animæ caninæ nulli indivisibili suam affectionem communicare possunt. Et ecquis, obsecro, omnium sensuum species sine confusione in punctum coire concipiat? imò si punctum illud à contrariis afficeretur, extrema sibi permiscerentur. Vnde sequeretur, canem, si altero pede in ignem, altero in frigidâ forte aquam simul incideret, non retracturum pedes: quandoquidem punctum illud non nisi tepore afficeretur. Sequitur ergò necessario, positâ materialitate animæ caninæ, & prorsus eadem est omnium Bestiarum ratio, canem ne catulum quidem suum, multò minus aliud aliquod corpus, cognoscere posse. Gometius de Pereira hoc argumentum
 „ ita prosequitur: Posita, inquit, materiali bestiarum ani-
 „ ma, dimidia sensatio, qua hædus, exempli gratiâ, visa
 „ matre afficitur, alteri parti divisibilis animæ inesset, al-
 „ tera Verò dimidia sensatio alteri parti. Haud secus
 „ quàm cognitiones diversis hominibus insunt, quorum
 „ alter id novit, quod alter ignorat. Vnde sequitur, quia,
 quod-

AD LECTOREM.

quodcunque distinguit & confert, requirit eorum, quæ^{cc}
conferuntur, cognitionem, hæc dum inter matris suæ an-^{cc}
teriora & posteriora, ubi ubera sunt, distinguere non^{cc}
posse. Multò minus inter amicum & inimicum. Neque^{cc}
etiam canis, si illius anima materialis foret, metueret
fustem: quandoquidem illius imago in oculi fundo ma-
jor sæpe non est foramine minimæ acus. Vel igitur fin-
gendum esset, canem ex eadem longè majora colligere, à
quibus ladi posset: quod quia solius mentis est, materiali
non convenit. Vel agnoscendum est, Bestiarum oculis
à lumine, exempli gratia, si ve corporeis radiis immuta-
tis, earum quoque cerebrum, spiritus, nervos, musculos,
adeoque & membra, nulla prorsus cognitione præviâ,
immutari, & converti, uti Author noster, ratione duce,
fieri demonstrat. Verum enim verò, Illustrissimus Des
Cartes, ratus ad claram lucem evanescere tenebrarum
portenta, non tantum operæ perdidit in refellendis Ad-
versariis, sed Verò compendio studens, quemadmodum
metaphysicis suis Meditationibus cogitandi perfectio-
nes, nostrasque Mentis procul à materiæ facie segrega-
vit: Sic etiam hoc libello modum delineavit, quo actio-
nes corporeæ in corpore nostro peragantur: atque bestie,
anima cognoscenti destitutæ, illâ nihilominus solâ orga-
norum dispositione operentur: quæ Imprudentiores, veri
similitudine decepti, ab anima cognoscenti provenire cre-
diderunt. Utinam inchoatum opus ad umbilicum ipse
dedu-

AD LECTOREM.

deduxisset, nostrisque conjecturis, ut ingeniosissimum hoc Opusculum in lucem ederetur, opus non fuisset! Ut verò acutissima perspicacissimi nostri Authoris cogitata Philosophis commendem, non est quod prolixa verborum congerie molestus obstrepam. Res ipsa loquatur. Monitum tamen Lectorem velim, has esse primas Authoris cogitationes, ad quas expoliendas multa sese desiderare non semel protestatur. Quapropter ego quidem arbitror, Authorem nostrum hoc Opusculo quàm accuratissimè tradidisse humani corporis functiones omnes, quæ animæ vegetativæ & sensitivæ adscribi solent. Nec non ipsum manifestè probasse, unam quandam cerebri partem corporeorum motuum clavum esse. Eamque non sine summa probabilitate statui ^{κωνιδέαον} sive glandulam pinealem: tum quia unica est, ut fusius id prosequitur Author imprimis Lib. de passionibus animi Part. I. Art. xxxi. & seq. Cum etiam, quod apprimè mihi notandum videtur, quia in cerebri meditullio, quo omnes nervi respiciunt, velut ejus corculum est recondita, & in ipsa arteriarum & venarum, spirituumque vitalium & animalium Syzygiâ sita, uti liquet ex figura V. LV. & LVII. Quia igitur vita consistit in affluxu sanguinis & spirituum vitalium ad cerebrum, & reliquas partes: & reciproco sanguinis ad cor & spirituum animalium defluxu ex cerebro, velut jugi fonte ad cor, & reliqua membra: nulla alia cerebri pars huic fini tam apta videtur.

AD LECTOREM.

tur. Et quia mentis imprimis interest, hac omnia penitissimè percipere, nuspiam commodius, quàm in hac glandula, tanquam in primariâ sede, ut aranea in aranei centro, residere posse videtur, quo velut commodissimo motuum corporeorum gubernaculo cetera membra dirigat. Nec obstat, arenulas quasdam in hac glandulâ quandoque fuisse repertas. Quin etiam, quod diffiteri nolo, me duobus adstantibus Studiosis in eâ lapillum invenisse, qui plusquam dimidium glandulæ occupabat: cujus maximam partem celeberrimo Anatomico D. van Hoorn, in Admirandorum Thesauro suo conservandam tradidi. Etenim illa glandula utcunque suo officio defungi potuit, haud secus, quam oculus, pupillâ fortè quadam cicatrice aut cataractâ aliquatenus obductâ: adeoque illi propterea moriendum non fuit, nisi postquam spiritibus lapilli magnitudine necessarius transitus esset interceptus. Veruntamen non admodum repugnarem, si quis fortè nervos propiùs ad glandulam produceret: nervosque internos, filamentis quibusdam annecteret externis. Vel musculum aliter conciperet, fortè uti nos pag. 20. Aut potius, quemadmodum ex solo diverso situ fibrillarum, quas in quibusvis Musculis observamus, haud difficulter sibi quis imaginatus fuerit. Si modo omnes corporei motus humani corporis, atque adeo cujuslibet animalis, ex ejus hypothese commodè deduci possent, & in thesi cum Authore conveniret. Cæ-

AD LECTOREM.

terum temeritatis meae excusanda ratio tandem reddenda. Ad hanc igitur me primum movit Nobilissimus D. Alphonsus Palotti, Martis, Aulae atque Musarum delictum, facta mihi copia Manuscripti, quod ipse Sophiae studiosissimus quam nitidissime descripserat: additis duabus figuris à Des Cartes rudi Minerva exaratis, quae pag. 25. & 43. referuntur. Pudori meo deinde succurrat, & ad Opusculum absolvendum, atque in lucem edendum impulit Authoritas Viri, Incliti Generis & exquisitissimae Doctrinae Nobilitate nulli secundus, Anthonius Stutler v. a. Surck, Eques, Dominus de Bergen, qui nativâ suâ benevolentia Ectypum à sese ex Authoris nostri Autographo quam accuratissime delineatum in hunc finem mihi lubens concessit. Promovit denique & urfit negotium Nobilissimus D. Claudius Clerfelier, Literarum Decus & Columnen, avi que nostri Phosphorus. Vtpote qui, posthumorum Operum Cartesii Tutor & Curator optimus, diligenti fidelitate in lucem edit relicta Authoris nostri P. M. Opera, cedro digniora. Quibus sanè Heroibus opellam meam per Manes Cartesii aliquoties flagitantibus reluctari inexpressibile videbatur ingratitude in tantos Viros & ipsum Cartesium crimen. Quandoquidem verò ipse hujus Libelli Tutor literis suis testatum facere dignatus est, sibi, & aliis in Gallia studiosis Cartesi, meos conatus, quorum copiam ipsi feceram, non displicere, eoq; nomine publici juris fieri esse.

AD LECTOREM.

esse ere: Confido meam audaciam tantorum Virorum auctoritate extortam, qua non metui innocuum & utilissimum Libellū cum Philosophis communicare, veniam consecuturā, saltem apud probos, quibus solis probari gestio.

FLORENTIUS SCHUYL.

Celeberrimo Philosopho

D. FLORENTIO SCHUYL.

Inclytæ Urbis Silvæ Ducis Senatori Prudentissimo, amico integerrimo, cum Librum Cartesii de Corpore Humano Figuris illustratum ederet.

Fatale rebus incubat contagium.
Et vesca dies

Atrodit cœco singulā morsu.

Nascimur, denascimur.

Ut cera mollis, ductilisque mille

Induimus facies.

Invicemque dividunt

Alternæ vitæ sceptrâ Lux & Oreus.

Quæ cætera versis

Frontibus opposita,

Condictis vicibus frui

Æquo deproperant pede.

Sic alma Mater,

Eademque sui

Filîa, sciscit

Naturæ ratio:

Vt prima vitæ finem

Nunciet vitæ dies.

His quod limitibus clusum Deus

Humano dedit usui,

Ut chamæleona

Dubium dicunt

Cum solo vultus varios apisci;

Vel vita fit sincera,

Vel nigræ via mortis,

Paucorum vivida vis trutinat

Quid vita, quid æthere vesci,

Quo tandem discrimine distent.

Qualem te Patriæ custos Deus,

O flos Mercurialium

Illibate virorum,

Progenuit, Sophiæ columen,

Æternitatis candidatum,

Gurgitem sapientiæ

Voraginemque. Cujus auspiciu

Enthea mens,

Discussâ retro caligine,

Miratur claram circum fulgescere lucē.

Nec, ut ante fuit,

Ipsa domi peregrina suæ

Abstrusa juncti corporis mysteria

Et machinam penetralem

Et mille plexus pervidet intimè

Sagax. Artificemque Conditoris

Edocta demum rite jam stupet manum.

Canebat

REYNERUS VOGELSA NG. Pastor Ecclesiæ Silve-
Ducensis. Et S.S. Theologiæ Professor.

EPIGRAMMA

Ad Clarissimum Virum

D. FLORENTIUM SCHUYL,

Doctorem Philosophiæ & Professore Ordinarium, Sena-
toremque Sylvæ Ducensem, cum celeberrimi Renati
Cartesii *σωματολογία* publici juris faceret.

Magne Schuli, columen Sophia, qui mystica calles
Omnia, quæ Clarius, quæque Minerva probat,
Dic age, Cartesii Manes, quæ digna rependant
Præmia pro meritis, non moritura, tuis?
Particulis auræ Diæ sua tecta Renatus,
Mentibus aternis atria digna dedit:
E quibus imperium teneant in Lubrica sensus,
Et satagant veri luce, fruique Deo.
Erigis hæc, atque excolis hæc, alioque nitore
Induis, ingenii Dædalus arte tui.
Corporis harmoniam nostri depingis, & una
Dirigis immensi facta stupenda Dei.
Pondere, mensurâ & numero qui cuncta creavit,
Artificemque operis te facit esse sui.

Posui ex tempore

GERARDUS TIELIUS,

S. S. Theologiæ Doct. & Verbi Divini
Minister in Gessè & Nieulandt.


RE-



RENATUS DES CARTES

DE

H O M I N E.

I.  OMNES homines ex anima & corpore sunt compositi, quemadmodum & nos: quapropter necessum est, ut corpus primum seorsim; deinde verò separatim animam quoque describam; tandem denique ostendam, quomodo utramque illam naturam conjungi atque uniri oporteat, ut homines nobis similes constituent.

2. Corpus autem statuam duntaxat machinamve quandam terrestrem esse suppono, quam Deus destinata opera nostro corpori persimilem format; adeo ut non colore modo, atque figura, quibus membra nostra extrinsecus exornantur, sit conspicua; sed etiam interioribus illis partibus,

A

bus,

bus, quibus edat, bibat atque respiret, abunde sit instructa; omnesque illas nostras actiones imitetur, quæ fingi possunt à materia promanare, atque à sola organorum dispositione dependere. Certe quia horologia, fontes arte facti, molæ, aliæque similes machinæ, solius humanæ industriæ opera, vi quadam sese velut suâ sponte movendi sunt prædita, indubium est, me tantam motuum varietatem imaginari non posse, quibus illa machina, quam à Deo factam suppono, agitur: nec illam tam affabrè factam concipere, quin longè perfectiora illi inesse suspicari liceat. Non est ergò quod ossium, nervorum, musculorum, venarum, arteriarum, stomachi, hepatis, cordis, cerebri, cæterarumque partium, ex quibus hæc machina constat, descriptio nos remoretur: quandoquidem omnes illius partes membris nostris ad amussim respondere, atque iisdem nominibus insigniri, pro certo habeo. Quas idcirco, si forte cuiquam minus innotescant, ex quolibet Anatomico discere licet: saltem illas, quæ sua magnitudine visui manifestæ sunt: Illas verò, quæ suâ exiguitate fugiunt oculos, ex motibus ab iisdem dependentibus haud obscurè demonstravero. Qui propterea hîc tantum ordine explicandi, atque eadem operâ fun-

functiones, quæ iis indicantur, delineandæ.


3. Cibus igitur in hujus machinæ stomacho concoquitur vi quorundam liquorum, qui, in cibi poros illabentes, ipsum separant, agitant, & tandem calefaciunt: haud secus quàm vulgaris aqua in calcem vivam, aut aqua fortis in metalla solet agere. Quin etiam liquores isti, à corde per arterias admodum concitatè deducti, ut post constabit, non possunt non esse valdè calidi. Imò cibus ipse ut plurimum ejus est naturæ, ut vel suâ sponte citra ullam alterius rei mixturam corrumpi, atque calefieri possit; fere uti fœnum recens, quod minùs exsiccatum in horreum conditur. Notandum insuper, motum, quem incallescens illæ cibi particulæ recipiunt, nec non agitationem stomachi, & intestinorum, quibus eadem continentur, atque dispositionem tenuium filamentorum, ex quibus intestina contexuntur, hoc præstare, ut absolutâ concoctione statim ad illum ductum, quem natura crassioribus cibi partibus excernendis destinavit, paulatim descendant; ac interea subtiliores & magis agitata infinitos exiguos poros circumquaq; offendant; per quos fluant in ramusculos magnæ venæ, quâ deferantur in hepar. Quas equidem tenuiores cibi particulas sola pororum parvitas à crassioribus se-

gregaverat: planè quemadmodum, cum farina incernitur, purior tenuiorque ejus pars per saccum excutitur, relictis furfuribus; solaque pororum sacci, per quos flores effluunt, exiguitas impedit, quo minus furfures subsequantur. Quia verò tenuiores illæ cibi particulæ inæquales sunt, atque etiam imperfectè mixtæ, liquorem componunt, qui prorsus turbidus & albicans permaneret, nisi statim permisceretur sanguini contento in ramis venæ portæ. Hæc verò illum ex intestinis in hepar, adeoque in plurimos ramos venæ, quam cavam vocant, deducit: Quæ porrò eundem in cor, tanquam in unicum vās transfert. Quin etiam hic notandum eam esse pororum hepatis constitutionem, ut, quotiescunque ille liquor ipsum intrat, ibi comminuat, elaboratur, colorem formamque sanguinis adipiscatur. Quemadmodum atrarum uvarum succus, licet albicans, in rubellum tamen vinum convertitur, cū vindemiarum tempore scapis suis permixtus, vasi ad fermentandum committitur. Cæterum sanguini ita in venis contento unicus tantum manifestus exitus est, quo egrediatur, ille nempe per quem in dextrum cordis ventriculum se recipiat. Scire quoque operæ pretium est, in poris parenchymatis cordis contineri ignem quen-

quendam sine lumine (de quo alibi) quo istud tam calidum, fervidumque redditur, ut simul ac sanguis alterutrum ejus ventriculum intrat, illicò intumescat, & dilatetur. Uti experiri liceat, si cujusvis animalis sanguis, aut lac in vas valdè calidum guttatim distillet: Præterea ignis, quem describo, in corde machinæ contentus, nulli alii rei subservit, quam dilatando, calefaciendo, & attenuando sanguinè, qui identidem per venam cavam in dextrum cordis ventriculum guttatim decidit. Unde in pulmonem exhalat, & per venam pulmonariam, quam Anatomici arteriam venosam vocant, in alteram ejus concavitatem, indeque per totum corpus distribuitur.

4. Pulmonis verò parenchyma tam rarum est *Fig. I.* & molle, atque ab aëre beneficio inspirationis refrigeratum, ut, simul ac vapores sanguinis è dextro cordis ventriculo egredientes pulmonem intrant, per arteriam, quæ Anatomicis Vena arteriosa vocatur, ibi condensentur, iterumque in sanguinem convertantur, & postea inde in sinistrum cordis ventriculum guttatim decidant. Quem si intrarent nondum condensati, nutriendo igni inibi latenti non sufficerent. Unde constat respirationem, quæ huic machinæ tantum utilis est ad condensandos illos vapores, non mi-

Fig. I



A. Vena cava. B. Arteria, dicta Vena arteriosa. C. Vena, nominata arteria venosa. D. Aorta. E. Larynx. F. Pulmo. G. Gula.

nus necessariam esse conservando illi igni, qui nobis ad vitæ nostræ sustentationem inest, & sine quo saltem nos, qui membris consummatis constamus, subsistere non possumus. Nam infantibus, qui, quamdiu in utero matris delitescunt, recentem aëra respirando nequeunt attrahere, duplex ductus est, quo huic defectui subveniatur. Alter nimirum, per quem sanguis venæ cavæ in venam, quam arteriam vocant, illabitur. Alter verò per quem vapores arteriæ, quam venam appellant, in arteriam magnam exhalant.

5. Quod autem ad illa animalia, quæ pulmo- *Fig. II.*
ne prorsus carent, unum tantum in corde ventri- *& III.*
culum habent, vel si pluribus gaudeant, continui sunt.

6. Pulsus arteriarum dependet ab undecim *Fig. IV.*
pelliculis, quæ valvularum instar claudunt reclu- *& V.*
duntque introitus quatuor vasorum binis cordis ventriculis respondentium. Etenim pulsuum horum uno cessante, simul atque alius præsto est, valvulæ duarum arteriarum orificiis affixæ quàm exactissimè clausæ deprehenduntur: illæ verò quæ in introitu duarum venarum, apertæ. Ut fieri nequeat, quin duæ sanguinis guttæ ex duabus illis venis confestim elabantur: Altera videlicet in dextrum: Altera in sinistrum cordis ventriculum.

Hæ

Fig. 2.




Fig. 2. A. Hepar Salmonis. B. Venacava. C. Cor. D. Aorta. E. Arteria rami per branchias dispersi.

Fig. 3.





Fig. 3. A. Cor Salmonis. B. Duæ valvula. C. Aorta.






Hæ autem deinceps sanguinis guttæ illicò rarefactæ in spatium longè majus, quàm antè occupaverant, extenduntur: adeoque premunt clauduntque valvulas in duarum venarum introitu constitutas, eâque ratione simul impediunt, ne uberiori sanguinis copia cor obruatur: propellunt verò recluduntque duarum arteriarum valvulas, in quas promptè & vi quadam ex corde irrumpant. Unde fit, ut cor omnesque totius corporis arteriæ simul intumescant. Sed rarefactus hic sanguis iterum è vestigio condensatur, aut alias partes penetrat: facitque adeo ut cor & arteriæ detumescant, & valvulæ in duarum arteriarum orificiis sitæ claudantur, aliæ verò in duarum venarum introitu rursus aperiantur, atque transitum præbeant binis sanguinis guttis, quibus cor & arteriæ, haud secus quàm præcedentibus, denuò distendantur.

Fig. I. A. Vena cava. B. Arteria, dicta Vena arteriosa. C. Vena, nominata arteria venosa. D. Aorta. E. Larynx. F. Pulmo. G. Gula.
1. 2. 3. 4. 5. 6. 7. 8. 9. 10. 11. sunt totidem cordis valvula.

7. Causâ pulsus arteriarum cognitâ, non est intellectu difficile, non tàm illum sanguinem, qui in illius machinæ venis continetur, quique recens ab hepate transfunditur, quàm illum, qui

arteriis inest, quique jam in corde suo perfectus est, aliis ejus partibus agglutinari, atque inservire, ut restauretur quicquid continuus earum motus variæque aliorum, quæ circumstant, corporum actiones expellunt. Sanguis enim in venis



contentus ab earum extremitatibus ad cor sensim refluit juxta dispositionem valvularum quarundam, quas Anatomici variis in locis infixas venis observarunt, ut manifestè satis constet idem nobis accidere. E contra verò sanguis arterias occupans vi quadam atque pluribus pulsibus à corde ad earum extremitates propellitur, ut omnibus ejus membris faciliè jungatur, & uniatur, adeoque in iisdem sistatur, eaque proinde nutriat,

triat; quin etiam augeat, si machina humanum corpus ad hoc dispositum referat.

8. Nam simul ac arteriæ intumescunt, particulæ sanguinis, quæ iis insunt, quaquavorsum disperguntur ad filamentorum quorundam radices, quæ ex extremitatibus ramusculorum arteriarum egredientes componunt ossa, carnem, cutem, nervos, cerebrum, reliquaque membra solida secundum diversos modos, quibus conjunguntur, atque intertexuntur; adeoque vi quadam pollent nutrienda illa membra aliquantulum distendendi, seseque in illorum spatia intromittendi. Simulac verò arteriæ postea detumescunt, singulæ sanguinis particulæ spatiis, quæ occupârunt, insertæ subsistunt. Quam solam ob causam, uti explicatum alibi, junguntur & uniuntur iis, quibus sunt contiguæ. Si itaque machina nostra corpus fortè cujusdam infantis repræsentet, mollis illius materiæ pori tam facile dilatari poterunt, ut sanguinis particulæ, ad solidorum membrorum compositionem iis inexistentes, plerumque paulò majores sint illis, quarum loca occupabunt. Imò duæ, tresve simul succedant in locum unius: quæ accretionis causa fuerit. Sed interim materia illorum membrorum labentibus annis paulatim indurescet, ut


ejus pori tantundem dilatari nequeant, ideoque
crescendi finem faciens adulti hominis corpus
referet. Cæterum non nisi paucæ admodum san-
guinis partes identidem solidis membris, eo,
quo dictum est, modo uniuntur. Pleræque in
venas redeunt per varias arteriarum venarum-
que anastomoses. Ex venis quoque fortè san-
guinis quædam portiuncula ad membrorum
quorundam nutritionem divertitur. Sed dein-
de pars longè major in cor, postea verò illinc
rursum in arterias revertitur. Ut motus sanguinis
in corpore nil aliud sit, quàm perpetua quædam
circulatio. Quin etiam nonnullæ sanguinis par-
ticulæ lienum ingrediuntur, quædam & felle
vesiculam. Et rursus tam ex liene, atque ex vesi-
cula felle, quàm immediatè ex arteriis quædam
in stomachum & intestina refluunt, quæ ibi aquæ
fortis officio ad juvandam ciborum concoctio-
nem funguntur. Quia verò ex corde per arterias
istuc velut momento deducuntur, non possunt
non esse valdè calidæ. Quo fit, ut earum vapores
facile per œsophagum in os queant ascendere,
atque istuc salivam componere. Quædam etiam
sanguinis portio renes perfluens in urinam con-
vertitur: quædam in sudores, aliaque excremen-
ta per totam cutem emanantia. Et in omnibus
istis

istis locis tantummodo aut situs, aut figura, aut pororum, per quos transeunt, parvitas, causa est, quod quibusdam transitus concedatur, aliis præcludatur, atque prohibeatur, ne pars reliqua sanguinis simul effluat. Quemadmodum diversimodè perforatis cribris diversi generis grana secerni solent.

9. Sed quod hoc loco comprimis observandum, magis vividæ & vehementiùs actæ sanguinis particulæ in cerebri concavitates sive ventriculos ascendunt. Quia nimirum arteriæ, per quas eò deferuntur, in rectiori linea sunt sitæ, quàm cæteræ, quæ ex corde promanant; atque, ut manifestum, omnia corpora, quæ moventur, quantum possunt motum suum secundum lineam rectam continuare conantur. Exempli gratiâ:

Ecce Cor A, & cogita cum sanguis vi prorum- *Fig. V.*
pit ex apertura B, nullas esse ejus partes, quæ non
connitantur ad C, ubi nimirum sunt cerebri ven-
triculi: sed quoniam via angustior est, quàm ut
omnes eò deferri possint, solæ validiores se eò
conferunt, debilioribus à fortioribus impedi-
tis.

10. Per transennam quoque notare licet, nul-
las sanguinis particulas, iis exceptis, quæ cere-
brum ingrediuntur, esse vel fortiores, vel vivi-



diores iis , quæ in vasa generationi dicata deferuntur. Nam , exempli gratiâ , illæ quibus sufficiens vis est pervenienti ad d, sed ulterior transitus ad c propter angustiam loci negatur , revertuntur potius ad e, quam ad f, aut g. Quandoquidem via rectior eò ducit. Et consequenter , possem fortassis ostendere , quomodo ex illo humore, qui circa e congregatur, alia machina huic prorsus similis formari possit. Sed non lubet jam prolixius exspatiari. Illa verò sanguinis portio, quæ ad cerebrum usque assurgit, non tantum nutritioni & conservationi substantiæ cerebri opitulatur: sed imprimis quoque

quevalde subtilem auram, vel potius flammam admodum agilem puramque, quam spiritus animales vocamus, ibidem generat. Notandum verò arterias, per quas illa sanguinis portio ex corde ad cerebrum deducitur, postquam in infinitos ramusculos fuerint divisæ & composuerint admiranda illa reticula, quibus velut tapetis ventriculorum cerebri pavementum instratum est, congregari circum glandulam quandam præter propter in cerebri medulla, juxta introitum ventriculorum, sive concavitatum ejus; ibique infinitis ferè poris constare. Ex quibus, negato propter pororum angustiam crassioribus sanguinis partibus transitu, subtiliores duntaxat, quibus distenduntur, in glandulam profluunt. Sciendum etiam has arterias ibi non desinere, sed invicem sibi magis junctas rectà ascendere ad amplum illud vas, quod instar Euripi totam cerebri superficiem irrigat. Observandum porò crassiores sanguinis particulas non parum motus amittere, dum per anfractus tenuium horum reticulorum luctando transcunt. Etenim vi pollent subtiliores sibi permixtas propellendi, adeoque motus sui partem in istas transferendi. Hæ verò impetum suum perdere nequaquam possunt, qui potius augetur motu, quem crassio-

res in ipsas transferunt. Quandoquidem nulla alia ad sunt corpora, in quæ motum suum tam facile transferre possent. Unde non difficulter conceperis, crassiores illas sanguinis partes, cum recta feruntur in exteriorem cerebri superficiem, ut nutritioni substantiæ illius inserviant, in causa esse, quod subtiliores magis agitatae deflectantur, omnesque glandulam illam intrent: quam juvat imaginari velut scaturiginem summe abundantem, ex qua in cerebri concavitates quaquaversum promptissime profiliant. Atque ita sine ulla præparatione, aut mutatione, quam quæ separatae sunt à crassioribus & etiamnum agitantur, vehementi illa celeritate, quam cordis fervor illis impressit, amittant formam sanguinis & spirituum animalium nomine veniant. Simul ac igitur hi spiritus cerebri ventriculos intrant, inde digrediuntur in poros substantiæ, ex poris vero in nervos; ubi, quatenus ingrediuntur, vel etiam solummodo conantur ingredi, magis, aut minus in hos quam alios, vim habent figuram muscutorum, quibus illi nervi sunt inserti, immutandi: atque hoc pacto cuncta membra movendi. Uti comprobant rupes fontesque, ornamenta hortorum Regum nostrorum, in quibus aqua solo illo impetu, quo ex scaturigine sua
erum-

erumpit, varias machinas commovet: imò etiam instrumentis musicis modulatur: vel denique juxta diversam tubulorum, per quos aqua deducitur, varietatem, voces quasdam edit. Et profectò machinæ, quam delineandam suscepi, nervi quàm optimè comparari possent horum fontium tubulis: ejus verò muscoli & tendines aliis motui inservientibus organis, & instrumentis: spiritus verò animales aquæ, quæ ea movet concitatque. Quorum videlicet cor sit origo: concavitates verò cerebri, castellum, sive aquarum receptacula. Porro respiratio, aliæque hujusmodi ordinariæ & naturales actiones à spiritibus dependentes, similes sunt motibus horologii, aut molæ, quorum motus jugi aquæ defluxu continuantur. Objecta externa, quæ solâ suâ præsentia in sensuum organa agunt, atque ita machinam determinant, ut, quemadmodum cerebri ejus partes sunt dispositæ, diversimodè moveatur, rectè comparantur peregrinis horum fontium rupiumve spectatoribus; qui forte istuc ingressi, nihil tale cogitantes, causæ sunt eorum motuum, qui præsentibus ipsis excitantur: Et enim eò tendere nequeunt, quin quandam pavimenti quadram pede premant, sic dispositam, ut si exempli gratiâ, propius accedant ad Dianam,

C

quæ

quæ fortè se lavat, efficiant, ut ipsa sese intra arundines recondat. Si verò ulterius pergant, eamque persequantur, prodeat fortè Neptunus suo tridenti illis minitans ; vel si aliorum recedant, monstrum quoddam marinum profiliens aquam ipsis in faciem eructet: Vel pro Artificum industriâ quid simile. Si verò anima rationalis huic machinæ insit, præcipuam suam sedem habebit in cerebro, ibique fungetur officio ejus, cui commissâ est fontium cura: quemque adeo receptaculis, in quæ tubi omnes istiusmodi machinarum conveniunt, adesse oportet, ut eorum motus pro libitu excitet, impediat, aut quolibet modo mutet. Verum ut hæc tandem omnia tibi distinctiùs demonstrarem, à nervorum & musculorum structura exordiar, ostensurus quâ ratione ex eoduntaxat, quod spiritus, qui cerebro insunt, nervum quendam ingredi conentur, vim habeant membrum aliquod illicò movendi. Postea verò, respiratione aliisque ejusmodi simplicibus & ordinariis motibus explicatis, demonstrabo quomodo ab externis objectis organa sensuum afficiantur. Denique speciatim explicabo quicquid in concavitatibus porisque cerebri, quò spiritus animales tendunt, peragitur, & quænam sint nostræ functiones, quas illa machina istorum operimi-

imitari potest. Etenim si à cerebro inciperem, atque ordine duntaxat sequeretur spirituum cursum, uti antea sanguinis fluxum venabar, cætera minus clarè perciperentur. Ecce itaque exempli gratiâ, hunc nervum A. cujus exterior membra- Fig. VI.


Fig. 6.



na, sive tunica tubo satis amplo similis est, suoque ambitu plures alios tubulos *b. c. k. l. &c.* complectitur, qui interiore & tenuiori tunica con- Fig. VII.
stant, quæ ambæ tunicæ sunt continuæ duabus

K. L. quibus cerebrum M. N. O. involvitur. Notandum itidem singulis hisce tubulis quandam vel-

Fig. 7.



ut medullam inesse, quæ plurimis tenuissimis filamentis ex substantia cerebri N. prodeuntibus constat, quorum extremitates terminantur; alterâ

râ quidem parte in ejus superficie interiori, quæ cerebri ventriculos respicit: alterâ verò parte definit in tunicas & carnem, in quibus tubulus, qui filamenta illa continet, finitur. Verùm quia hæc medulla membrorum motum non caufatur, abundè mihi suffecerit hoc loco significâsse, medullam istam tubulos, quibus comprehenditur, sic non implere, quin spiritibus animalibus spatii satis relinquatur, per quod ex cerebro facillimè defluant in musculos, ad quos isti tubuli, qui totidè nervi sunt censendi, tendunt. Porro notandum, quomodo nervulus B. F. ingrediatur musculum D. quem unum esse eorum, qui oculum movent, suppono. Et quomodo, postquam eò devenerit, dividatur in plurimos ramusculos obvolutos tunicâ flaccidâ, quæ pro ratione copię spirituum animalium eò ingredientium, vel inde egredientium distendi, sive dilatari & contrahi possit: Quorum etiam fibræ sic dispositæ sunt, ut spiritibus introeuntibus, musculus intumescat, atque contrahatur, adeoque oculum sibi annexum ad se trahat: è contra verò spiritibus egredientibus musculus detumescat, laxetur, & extendatur. Tenendum insuper est præter tubum B. F. alium dari nempe E. F. per quem spiritus animales deferantur in musculum D. &

alterum, nimirum D G. per quem inde egredi possint. Atque eodem modo musculum E. cujus functio sit oculum in adversam partem movere, spiritus animales à cerebro per tubum C. G & à musculo D. per G. recipere; eosque retromitti in musculum D. per E F. Observandum illud etiam est, quamvis nullus evidens meatus appareat, per quem spiritus in duobus musculis D E. contenti inde elabantur, nisi per quem ex altero in alterum refluant; quia tamen eorum particulæ, agitatione suâ magis magisque attenuantur, quidam per musculorum membranulas, atque parenchyma continuò dilabuntur. Verum identidem quoque deperditorum locum suppleant alii per duos tubulos B. F & C. G eò defluentes. Animadvertendum denique, dari pelliculam quandam H. F. I. quæ separet duos tubulos B F. & E F. quæ duas habeat plicas, sive valvulas H. I. sic dispositas, ut spiritus animales, qui descendere conantur à B. versus H. si majorem habeant impetum, quàm illi, qui ascendere nituntur ab E versus I. deprimant & aperiant hanc valvulam sive pelliculam: adeoque occasionem præbeant illis, qui contenti sunt in musculo E secum promptissimè proruen- di ad D. Sed cum spiritus illi, qui ab E. versus I. ascendere nituntur, validiores sunt, aut si solummodo

modo sint æquè validi, quàm illi alii, pelliculam
sive valvulam *HFI*, attollunt, clauduntque: atque
ita se mutuo impediunt, quo minus exeant ex
musculo *E*: cum alias si utrimque satis virium
non habeant, ut per illam transeant, naturaliter
aperta maneat: & denique si aliquando spiritus,
contenti in musculo *D*. inde elabi satagunt per
D F E. aut *D F B*. valvula *H* distendi potest, atque il-
lis præcludere viam. Pari ratione inter duos tu-
bulos *C G* & *D G* quædam reperitur valvula præ-
cedenti similis, quæ occludi potest à spiritibus
venientibus à tubulo *D G*: & aperitur ab iis, qui
promanant à *C G*. Quibus explicatis facile perce-
ptu est, si spiritus animales cerebro inexistentes
non tendant, aut ferè non conentur fluere per tu-
bulos *B F*. & *C G*. duas illas valvulas *F* & *G* manere
semiapertas sive hiantes: quin etiam duos mu-
sculos *D E* flaccidos omnique actione destitutos
fore; quandoquidem spiritus animales in iis con-
tenti ex altero in alterum liberè influunt, exorsi
ab *E*. per *F* ad *D*. & reciprocè à *D* per *G* ad *E*. Si verò
spiritus, qui in cerebro sunt contenti, impetu
quodam connitantur ingredi duos tubos *B F* &
C G. atque iste impetus utrimque sit æqualis, oc-
cludunt è vestigio ambos meatus *G F*. instantque
duos musculos *D E*. quantum id fieri potest. Un-
de

de fit, ut sistatur oculus, atque prorsus immotus maneat, eodemque situ, quem primùm obtinebat. Deinde si spiritus ex cerebro prolabentes majori impetu fluere nitantur per B F. quàm per C G. occludunt pelliculam, sive valvulam G. recludunt F; & celerius quidem tardiusve, quatenus ea valvula magis aut minus aperta est: ut musculus D. unde hi spiritus egredi nequeunt, contrahatur: E verò extendatur; & proinde oculus vertatur versus D. Sicuti è contra, si spiritus ex cerebro majori impetu nitantur profluere per C G. quàm per B F, claudant pelliculam F & aperiant G; ut spiritus musculi D statim redeant in musculum E, fitque adeo, ut hic contrahatur, oculumque ad se trahat. Manifestum enim est hos spiritus, ventulo aut subtilissimæ flammæ simillimos, non posse non ex altero musculo in alterum concitatissimè proruere, simulatque illis exitus conceditur. Quam ad rem non est, quod ullam aliam vim, quâ eò deferantur, fingamus, præter solum videlicet conatum ad motum suum juxta naturæ leges continuandum. Neminem quoque latet, quanquam spiritus hi valdè mobiles & subtiles sint, non obstare tamen, quo minus vim habeant inflandi, distendendi atque hac ratione indurandi musculos, quibus inclusi sunt. Quem-
ad-

admodum aër coriaceâ æolipilâ contentus tumidiorem illam duriolemque efficit, & pelles, in quibus latitat, distendere solet. Est igitur cognitu perfacile, quicquid de nervo A & duobus aliis musculis DE. hæctenus explicatum est, cæteris omnibus nervis, & musculis quadrare. Neque intellectu difficilior est, quo pacto machina, de qua nobis sermo, solo spirituum animalium ex cerebro in nervos profluentium impetu tam diversimodè, atque corpora nostra, moveatur. Imaginari enim cuilibet promptum est, unicuique motui ejusque contrariæ determinationi duos tubos tales operam navare, quales sunt BFD & CGE: atque duos insuper alios, quales DG & EF:





Figura Musculi secundum autographum Des Cartes delineata.

& valvulas itidem duas, quales fuere HFI. Modos vero quod attinet, quibus hi tubuli musculis inseruntur, etiamsi millies varient, indicare tamen non erit difficile, quænam sint illorum differentia, si, quod ex anatomia addisci potest, figuram usumque cujusvis musculi quis intelligat. Etenim cui perspectum est, palpebras, exempli

D

gra-

Fig. IX. gratiâ, moveri musculis, quorum alter, nempe *r*, nulli alii rei inservit, quam aperiendæ superiori:




alter verò, videlicet *v*, inservit utriq; alternatim aperiendæ & claudendæ; is facili negotio concipiet ipsos recipere spiritus per duos tubulos tales, quales sunt *p v* & *q s*: Et horum alterum *p v* tendere ad

duos illos musculos, alterum verò *q s* tantum ad illorum unum: & denique fibras *r* & *g* eodem ferè modo musculo *v*. insertas, tamen propter diversam fibrarum dispositionem duo planè contraria effecta sortiri. Quod & ad alios motus intelligendos sufficit. Imò quia spiritus animales in omnibus membris motus quosdam edere possunt, manifestum est, ibi etiam nervos quosdam terminari. sunt enim plurimi profectò, ubi Anatomici nullos visibiles animadvertunt: Uti in pupilla, corde, hepate, felle, liene aliisque similibus.

Fig. X. II. Ut verò distinctiùs quomodo hæc machina respiret, intelligamus, animadvertendum est, musculum *D* esse ex eorum numero, qui pectus attol-

Fig. 10. & XI.



attollunt, aut diaphragma deprimunt, ejusque


D 2

anta-

antagonistam esse muscolum *E*: & spiritus animales, qui occupant cerebri concavitatem *M*, effluentes per exiguum canalem *N*, qui, secundum naturæ requisitum dispositus, semper apertus manet, statim deferri in tubum *B F*, deprimendo valvulam *F*; quo spiritus contenti in musculo *E*, inde progredientes flatu suo distendant muscolum *D*. Porro quoque sciendum, muscolum *D*, prout uberius inflatur, magis magisque comprimi à pelliculis ipsam ambientibus, ita dispositis, ut antequam omnes spiritus musculi *E* ingressi fuerint muscolum *D*, ipsorum cursum sufflamment, ut veluti regurgitentur per tubulum *B, F*: adeoque illi, qui sunt in canali *M N*, inde deflectantur, quo mediante in tubum *C G*, quem tunc aperiunt, sese conferentes, inflant muscolum *E*, & evacuant muscolum *D*. Quod quidem agere illi perseverant, quamdiu durat impetus, quo spiritus, contenti in musculo *D*, à pelliculis ipsum ambientibus pressi, inde egredi nituntur. Cum verò impetus ille non amplius tantæ est efficacix, spiritus suâ sponte cursum suum repetunt per tubulum *B*. Quamobrem hi duo muscoli vicibus alternis intumescere atque detumescere nunquam desinunt. Idem esto iudicium de cæteris eidem effectui deservientibus musculis. Unde
con-

constat omnes ita esse dispositos, ut, cum illi, qui similes sunt musculo *D*, inflantur, spatium, quo pulmones continentur, extendatur, ac proinde in ipsos aër subintret; planè quemadmodum aër deductis lateribus in follem illabitur. Si verò horum musculorum antagonistæ intumescant, spatium illud coarctatur, atque idcirco aër expellitur.

12. Quo porrò constet, quomodo hæc machi- Fig. XL
na cibum in oris fundo contentum deglutiat, existimandum, musculum *d* esse quendam eorum, qui linguæ radicem attollunt, & asperæ arteriæ orificium apertum detinent, quo aër, quem respirat, ingrediatur, atque musculum *e* illius esse antagonistam; quippe occludendo huic meatui destinatum. Qui deinceps & eadem opera œsophagi orificium aperit; nimirum ut cibus ore contentus in stomachum descendat, & verò apice linguæ allevato istuc ipsum propellat. Sed & spiritus animales, ex concavitate cerebri *M* fluentes per porum sive canaliculum *N*, qui naturaliter semper apertus est, omnes rectâ deferri in tubum *B F*, quo musculus *D* intumescat, & denique semper sic turgeat, cum in oris fundo nullus cibus, qui premat ipsum, reperitur: verum & ita sit dispositus, ut simul atque cibus quispiam

Fig. 10. & XI.


adeſt, ſpiritus, quos continet, per tubum *B* illi-
cò

cò refundat, efficiatque, ut illi, qui proveniunt per canalem *N*, musculus *e*, per tubulum *c g* ingrediantur, quo & illi tendunt, qui musculo *d* continentur: atque hoc pacto gula aperitur & cibus in stomachum descendit. Paulò autem post spiritus canalis *N* cursum suum, ut antea, per *B F* dirigunt. Hinc verò, iusta utique similitudine intelligi potest, quo modo hæc machina sternutet, oscitet, tussiat, variosque alios excrementis excernendis necessarios motus exerceat.

13. Præterea ut percipiamus, quomodo ab externis objectis, sensuum organa afficientibus, incitetur, omniaque sua membra mille modis moveat, cogitandum, exigua filamenta, (quæ modo dixi ex intimis ipsius cerebri penetralibus provenire, atque componere illorum nervorum medullam) omnibus illius partibus inesse, quæ cujuslibet sensus organo interserviunt: atque hæc quidem filamenta ab horum sensuum objectis facillime moveri posse. Cùm verò paululùm moventur, ipsa è vestigio trahere cerebri partes, ex quibus originem sortiuntur: eademque operâ recludere meatus quorundam pororum in interiori cerebri superficie existentium. Unde spiritus animales statim cursum suum exorsi, atque per eosdem in nervos & musculos delati excitant
motus,

Fig. XII. motus, iis omninò similes, quibus nos quoque sensibus nostris eodem modo affectis, naturaliter concitamur. Ut exempli gratia, si ignis A propiùs adsit pedi B, particulæ hujus ignis, uti constat, celerrimè motæ, vi pollent secum movendi partem cutis illius pedis, quem attingunt: adeoque trahentes funiculum CC, quem illi videtis annexum, eodem momento aperiunt meatum pori DE, ad quem hic funiculus terminatur. Quemadmodum si funis extremitatem trahas, campana, cui altera ejus extremitas cohæret, eodem momento sonum edit. Orificio igitur pori, sive exigui ductus D hoc modo aperto, spiritus animales concavitationis F in eundem defluunt, & per eum deferuntur partim in musculos, quibus pedem ab igne retrahat: partim etiam in eos, quibus oculos & caput, ut eo respiciat, obvertat, corpusque ad sui ipsius defensionem inflectat. Verum spiritus animales ita excitati per hunc ductum DE, non tantum in hos musculos deferri possunt, sed insuper in plures alios. Antequam verò ex professò me tradam exactiori explicationi, qua manifestum fiat, quomodo spiritus animales cursum suum per poros cerebri persequantur, & quomodo hi pori sint dispositi, primùm distinctim omnes sensus, quatenus huic machinæ

FIG. 12.



næ insunt, ob oculos ponam, & quomodo cum nostris conveniant, explicatum dabo. Imprimis igitur observandum, innumerum esse numerum
 Fig. VI. & XIII. exiguorum filamentorum similium cc, quæ omnia ab interiori cerebri

superficie originem suam fortita, inde ab invicem discriminantur, atque per totum corpus diffunduntur, ut inserviant organis tactus. Quamvis enim ut plurimum ipsa ab externis objectis immediatè non tangantur, sed tantum per membranulas, quibus ambiuntur; eas tamen ipsas membranulas esse sensuum organa non videtur verisimilius,

quam si quis corpus chirothecis contrectans, eas sensuum esse organa existimet. Observandum autem, licet filamenta, de quibus sermo, sint admodum tenuia, nihilominus à cerebro usque ad cætera remotiora membra tutò deferri: quandoquidem nihil illis occurrit, quo aut rumpantur, aut illorum actio pressurâ quâdam interceptiatur; utcunque interea infinitis modis mem-



membra ista flectantur: iisdem enim tubulis inclusa sunt, per quos spiritus animales in musculos deducuntur. Qui tubulos illos paululum semper inflantes hoc agunt, ne filamenta ibidem nimis comprimantur: & simul ut possint à cerebro, unde originem ducunt, ad loca, ubi finiuntur, extendi. Postquam igitur Deus animam rationis compotem huic machinæ univerit, ut post ostendam, cerebrum præcipuam sedem ei assignabit. Cui talem indet naturam, ut secundum diversos modos, quibus orificia pororum in interiori superficie cerebri sitorum mediantibus nervis aperti fuerint, varios quoque sensus sit habitura. Quemadmodum primò; si exigua filamenta, medullam istorum nervorum componentia, tanto trahantur impetu, ut disrumpantur, atque à membro, cui annexa fuerant, avellantur, quo totius machinæ structura quadantenus corrumpitur, anima, cujus interest, sedem suam sartam tectam conservari, ex motu, qui eo impetu in cerebro excitabitur, causam concipiet sentiendi dolorem. Si verò filamenta illa pari ferè impetu trahantur, sic tamen ut non rumpantur, nec à membris, quibus adhærent, avellantur, motum in cerebro producent, qui testimonium præbens de bonâ cæterorum membrorum constitutio-

ne, animæ dabit causam voluptatem quandam corpoream, quam titillationem vocamus, sentiendi: quæ, ut ut ad dolorem respectu causæ quàm maximè accedat, omninò tamen contrarium edit effectum. Quod si plura ejusmodi filamenta simul æqualiter trahantur, anima sentiet superficiem corporis, quod membrum illud, in quo ista finiuntur, attinget, esse lævem atque politam. Si verò inæqualiter trahantur, & sentiantur, asperam superficiem significabunt. Quod si filamenta non simul, sed alia post alia quadantenus separatim impellantur, uti semper fit à calore, quem cor cæteris membris impertitur, anima nullum omninò sensum percipiet, nec magis quàm à consuetis alioqui suis actionibus afficietur. Hic porrò motus ab externa causa si paululùm intendatur, vel diminuatur, augmentatio quidem caloris, diminutio verò frigoris sensum animæ exhibebit. Denique pro ratione variorum modorum, quibus nervorum filamenta afficiuntur, anima quascunque qualitates ad tactum in genere spectantes sentiet, humiditatem nimirum, siccitatem, duritiem, gravitatem & similes. Solummodò hîc notandum, quamvis illa admodum tenuia sint, adeoque facile moveri possint, non tamen tam exilia esse, ut
ad

ad cerebrum quoscunque etiam omnium minimos motus referre queant: sed omnium minimos motus, quibus cerebrum afficiunt, esse eos, quos crassiores corporum terrestrium particulæ causantur. Et verò quædam istius generis particulæ, quamlibet satis crassæ, tam leniter nihilominus hæc filamenta offendunt, ut ea vel premant, vel illico amputent, neque tamen ipsarum actio ad cerebrum perveniat. Quemadmodum & pharmacis quibusdam vis inest torporem inducendi: quinetiam actiones nostrorum membrorum, quibus applicantur, corrumpendi, atque adeò omnem sensum intercipiendi.

14. Filamenta verò, ex quibus medulla nervorum linguæ constat, adeoque gustus Organis inserviunt, faciliùs moveri possunt iis, quæ tactui in genere opitulantur: tum quia paulò dissolutiora sunt, tum etiam quia membranulæ, quibus involvuntur, sunt exiliores. Cogita igitur, exempli gratiâ, diversis quatuor modis ea moveri posse à particulis salis, aquæ acidæ, aquæ communis, & vitæ: quarum omnium particularum quantitatem & figuras tibi explicui: adeoque facere illas posse, ut anima quatuor sapes omninò differentes percipiat. Quandoquidem rigidæ salis particulæ agitata, & ab invicem salivæ motu se-

paratæ linguæ poros punctim & neutiquam inflexæ ingrediuntur. Acidæ verò aquæ particulæ in eosdem ex obliquo influunt, tenuissimas particulas incidendo: quæ tamen in crassiores impingentes inflectuntur. Illæ verò, quibus aqua communis constat, nullas linguæ partes incidentes, neque etiam altiùs in poros illabentes, molliter eam solummodò allambunt. Et denique aquæ vitæ particulæ omnium altissimè penetrant, motuque celerrimo concitantur. Ex quibus manifestum est, quomodo anima cæteras saporum species percipiat, si consideres, quàm variis modis corporum terrestrium particulæ in linguam agere possint. Sed, quod imprimis notandum, eadem sunt ciborum particulæ quæ, existentes in ore, linguæ poros ingredi, ibique gustus sensum ciere possint, & quæ existentes in stomacho, in sanguinem inde digredi possunt, ac tandem reliquis membris uniri. Adeoque illæ tantùm, quæ linguam leni titillatione afficiunt, atque hoc pacto gratum saporis sensum animæ præbent, huic effectui omninò sunt idoneæ. Eas enim quod attingit, quæ nimium aut parùm in ipsam agunt, hæc uti gustum excitare nequeunt nisi nimis acrem, vel nimis imbellem, sic etiam sunt aut nimis penetrantes, aut molliores, quàm ut sanguinem

guinem componere, atque membrorum quorundam alimentum esse queant. Illæ verò cibi particulæ, quæ tam crassæ sive tantopere unitæ sunt, ut salivæ motu separari, atque dilui, adeoque poros linguæ subire nequeant, agere non possunt in illorum nervorum capillamenta, quæ gustui inserviunt; sed in illos tantùm nervos, quibus cætera quoque membra tactum in genere sic dictum exercent. Quemadmodum & quæ poris destituuntur, illæ ipsæ, sicuti efficere non poterunt, ut anima ullum sentiat saporem, sic etiam ut plurimùm erunt ineptæ, quæ mittantur in stomachum. Quod adeo universaliter verum est, ut sæpè, quatenus mutatur temperamentum, efficacia itidem gustus minuatur; adeò ut cibus, qui animæ grato suo sapore arridebat, insipidus aliàs & amarus ipsi videatur. Hujus rei ratio est, quia saliva ex stomacho proveniens, imbuta qualitatibus humoris, quo stomachus abundat, sese immiscet ciborum particulis, quæ ori insunt, earumque actionem plurimùm promovet.

15. Odoratus quoque creatur à plurimis filamentis à base cerebri ad nasum promanantibus. Quæ à tactus, aut gustus nervis nullatenus differunt, nisi quod extra cranium, quo cerebrum
con-

continetur, non protendantur. Hæc autem filamenta à particulis longè minutioribus, quàm quibus linguæ nervi afficiuntur, moveri possunt: tum quia sunt tenuiora, tum etiam, quia ab objectis magis immediatè afficiuntur. Cum enim hæc machina respirat, subtiliores aëris particulæ naribus haustæ, poros ossis cribri-formis penetrant, si non in ipsas cerebri concavitates, saltem usque ad illud spatium, quod inter duas membranas, quibus cerebrum involvitur, existit. Unde illis via patet, qua se eodem tempore per palatum recipiant. Quemadmodum etiam reciproco quodam fluxu, cum aër exspirando è pectore expellitur, per palatum in illud spatium revertuntur, iterumque per nares regrediuntur. In cujus equidem spatii orificio offendunt dictorum filamentorum planè nudorum, aut solâ valde tenui membranulâ vestitorum extremitates; quæ idcirco facilè commoventur. Quin etiam illa est pororem constitutio, tantaque eorundem angustia, ut omnibus terrestribus particulis, crassioribus iis, quas superius odores nominavi, transitus ad hæc filamenta præcludatur: exceptis fortean illarum quibusdam, quæ ejus sunt naturæ, cujus illæ sunt, ex quibus aqua vitæ componitur, quæ figuris, quas nactæ sunt, valdè penetrant.

trant. Denique illarum particularum terrestrium admodum exiguarum, quæ semper uberiori copiâ aëri insunt, quàm aliis corporibus mixtis, solæ paulò plus minusve crassiores aliis, aut ratione figuræ suæ magis aut minus mobiles, animæ occasionem diversos odores percipiendi præbere poterunt. Imò in quibus excessus illi valdè sunt moderati atque per se invicem admodum temperati, ipsi gratos odores ciebunt. nam, quæ ordinariè tantum agunt, nullâtenus odoratu percipi poterunt: & quæ vehementiori impetu concitantur, vel etiam motu nimis exiguo agitantur, non possunt non displicere.


16. Filamenta verò, ex quibus auditus organa constant, non necessariò tantæ sunt tenuitatis, quantæ sunt præcedentia: sed sufficit, si modo in interiori aurium concavitate sic disponantur, ut omnia facilè simul & eodem modo tremulis illis motibus impellantur, quibus externus aër per tenuem pelliculam harum concavitarum orificio prætensam, moveat; atque à nullo alio objecto, quàm à solo aëre, qui huic pelliculæ incumbit, affici queant. Tremuli enim hi impulsus ad cerebrum usque nervorum ope pertinentes, animæ præbebunt occasionem sonorum ideam concipiendi. Quorum equidem, quod

imprimis observandum, unus duntaxat non nisi murmur inconditum & momento periturum auditui exhibebit, in quo sola magnitudinis & parvitas varietas, prout nimirum auris magis aut minus impulsa fuerit, animadverti potest. Verum cum plures impulsus invicem sese subsequuntur, ut vel visui manifestum, quotiescunque chordæ, vel campanæ tremulæ sonum edunt, quatenus magis minusve æquales fuerint, component sonum, qui animæ suavior, asperiorve videbitur, vel etiam acutior, vel gravior; quatenus nimirum promptius aut tardius se mutuò subsequuntur: Adeo ut, si vel dimidiâ vel tertiâ vel quartâ vel quintâ parte, &c. promptius una vice quàm altera se invicem sequuntur, componant sonum, quem anima judicabit acutiorem octavâ, aut quintâ, aut quartâ, aut tertiâ majori, &c. Et denique plures simul toni convenient, aut disconvenient, prout major, aut minor fuerit similitudo, sive proportio: & exigua impulsuum intervalla magis minusve æqualia.

Fig. XIV. Vt, exempli gratiâ: si divisiones A, B, C, D, E, F, G, H. repræsentant exiguos impulsus, qui totidem varios sonos componunt, facili negotio judicabimus illos, qui repræsentantur lineis G & H, auribus nostris tam gratos non futuros, quàm alios.

Quem-

Quemadmodum asperitas lapidis tactui minus grata est, quam speculi perpoliti lævitas. Et




sciendum, B repræsentare sonum octavâ acutiorem, quam A: C quintam: D quartam: E tertiam majorem: Et F sonum etiam majorem. Et notandum, A & B, vel A. B. C, vel A. B. D, vel A. B. E, aut etiam A B C E, majori harmonia convenire, quam A & F, aut A. G D, aut A D E, & c.

17. Atque hoc mihi sufficere videtur ad ostendendum, quo pacto animæ, quæ machinæ, quam describo, insit, Musica placeat, quæ regulis iisdem, quibus nostra, sit composita. Imò & quomodo ipsam longè perfectiorem reddere possit, si modo observemus, suaviora non absolutè sensibus esse gratiora; sed ea demùm, quæ moderatiori titillatione sensus afficiunt. Quemadmodum sal & acetum linguæ sæpè majori oblectamento sunt, quàm aqua dulcis. Atque hinc ratio redditur, quare Musica utatur tertiiis, sextis, quin etiam quandoque dissonis, non minus quam unisonis, octavis, & quintis.

18. Restat visus, qui quia magis ad scopum meum facit, paulò exactiùs explicandus. Depen-

det itaque & hic sensus in hac machina à duobus nervis, qui ex ingenti Capillamentorum summè mobilium numero compositi sunt, quibus actiones illas diversas secundi Elementi cerebro offerant: quæ juxta id, quod supra dictum, animæ, huic machinæ unitæ, præbeant occasionem varias colorum & luminis ideas concipiendi. Verum quandoquidem oculi structura huic negotio perutilis & necessaria est, paucis delineanda; omissis de industria superfluis illis minutiis, quas in ea curiositas Anatomicorum observat. A, B, C

Fig. XV.



est membrana satis crassa & dura, quoddam veluti rotundum vas, atque cæterarum oculi partium receptaculum componens. D, E, F est membrana tenuior intra

priorem aulæi instar expansa. G, H, I est nervus, vulgò opticus dictus, cujus capillamenta H, I, H I per totum spatium A, B, H usque ad I diffusa, totum oculi fundum operiunt. K, L, M sunt tres liquores valde


valde pellucidi, has tunicas undique distendentes, ea figura, qua singulos hic delineatos videre licet. In priori membrana pars *B C B* pellucida est & reliqua convexior: & refractione radiorum incidentium fit versus perpendiculum. Secundæ membranæ superficies interior partis *E F* fundum oculi respicientis, tota obscura est, & nigra; habetque in medio anterioris partis exiguum rotundæ figuræ foramen, aspicientibus nigerimum apparens, quod pupillam vocamus. Veruntamen eadem magnitudine semper non est hic hiatus: sed *E F* secundæ membranulæ pars liquidissimo humori *K* innatans, exigui musculi speciem præ se fert: qui, dirigente cerebro, prout usus exegerit, deducitur aut contrahitur. Figura humoris *L*, qui crystallinus dicitur, similis est vitris à nobis secundo (dioptrices) libro descriptis, quorum ope omnes radii ex quodam puncto venientes in aliud quoddam punctum colliguntur: Constatque ex materia minus molli, & consistentiori, & per consequens majorem causatur refractionem, quam duo reliqui humores, quibus cingitur. *E N.* sunt plurima filamenta nigra introrsum producta ex membrana *D E F*, quæ humorem crystallinum undequaque cingunt: suntque velut exigui tendines, quorum ope crystalli-

nus humor, quatenus visus noster in res propinquas, aut longè distitas fertur, statim convexior redditur, aut planior, adeoque totam oculi figuram nonnihil immutat. Denique o o sunt sex aut septem muscoli extrinsecus oculo affixi, quibus facillimè quaquavorsum moveatur. Membrana vero BCB , atque tres humores KLM , quia valde pellucidi sunt, nullo modo impediunt, quo minus radii per pupillam ingredientibus ad oculi fundum, ubi nervus est, penetrent. Quem etiam non minùs facile afficiant, quàm si planè nudus esset, nullisque istiusmodi tunicis tegeretur. Imò & nervum illum tuetur adversus aëris aliorumque corporum injurias, quæ si in ipsum agerent, eundem levi opera læderent. Præterea usque adeo tenerum & accuratum illum conservat, ut minus mirum sit, ab actionibus tam parum sensibilibus, quemadmodum sunt illæ, quas nos colores appellamus, commoveri posse.

19. Convexitas, qua affecta est primæ tunicæ pars notata BCB , & refraction, quæ in ea peragitur, est causa, quod radii venientes ab objectis respicientibus eam oculi partem, per pupillam intrare possint; ut anima immoto oculo, majorem objectorum numerum percipere queat, quàm si oculus ea parte non foret convexus. Nam, exempli

pli gratia: Si radius $PBKQ$ non refringeretur in puncto B , non posset transire inter puncta FF , & per ea ad nervum opticum. Refractio verò, quæ fit in humore crystallino, visioni robur & distinctionem conciliat. Sciendum enim est, figuram illius humoris ita compositam esse, ut refractionibus, quæ in aliis oculi partibus fiunt, & objectorum distantia respondeat ad amissim.


Fig. XVI.



puncto B , non posset transire inter puncta FF , & per ea ad nervum opticum. Refractio verò, quæ fit in humore crystallino, visioni robur & distinctionem conciliat. Sciendum enim est, figuram illius humoris ita compositam esse, ut refractionibus, quæ in aliis oculi partibus fiunt, & objectorum distantia respondeat ad amissim. Unde, visu in punctum aliquod determinatum directo, omnes ra-

dii, qui ex illo puncto proveniunt, colliguntur in oculi

oculi fundo accuratè ad quoddam tunicæ retinæ



sive nervi optici punctum. Eademque ratione impedit, ne ulli radii aliunde venientes in eandem illius nervi partem incidant. Nam, exempli gratia, humore crystallino sic disposito, ut respiciat punctum R, radii R, N, S & R. L. S &c. accuratè in puncto s congregantur. Similiter ista humoris crystallini dispositio prohibet, ne radii progressi à punctis r, x, &c. in illud incurrant.

Colligit enim omnes radios puncti r circa punctum v & omnes radios

radios puncti x circa punctum y . Reliquorum eadem est ratio. Quod si autem oculo nulla accideret refractio, objectum R , uno duntaxat suorum radiorum afficeret punctum s , reliquis per totum spatium v & y dispersis. Pari ratione puncta t & x , omniaque alia intermedia, unum duntaxat suorum radiorum mitterent in punctum s . Ex quibus evidentissimè liquet, objectum R fortius agere posse in partem nervi, quæ est in puncto s , misso nimirum in illud magno radiorum numero, quàm si unico duntaxat radio illud afficeret: illamque nervi partem s distinctiùs & fidelius cerebro relaturam actionem istius objecti R , cum ab illo solo radios recipit, quàm si à pluribus. Niger color tam superficiæ concavæ pelliculæ EF , quàm filamentorum EN . visionem quoque distinctiorem reddit. Nam, uti constat ex supra dictis de natura istius coloris, vires radiorum, qui ab oculi fundo ad anteriorem oculi partem reflectuntur, obtundit, obtenebratque, & impedit, ne inde ad oculi fundum revertentes, ibidem radiorum confusionem causentur. Nam, exempli gratia, radii objecti x tendentes ad punctum y in albicantem nervum, inde quaquaversum reflectuntur ad N & F : unde possent reflecti ad s & v ; atque ibidem actionem R & T turbare,

G


si cor-

si corpora $N \& F$ non essent nigra. Mutatio verò,


quæ humori crySTALLINO accidit, efficit, ut objectorum remotiorum, aut propinquiorum imagines in oculi fundo distinctiùs pingantur. Nam, uti dictum est libro (Dioptrices) secundo: Si, exempli gratia, humor LNE jus sit figuræ, ut omnes radios puncti R præcisè ad punctum S dirigere possit; eadem immutata efficere nequit, ut radii puncti T , quod est propinquius, aut puncti X , quod est remotius, in illud impingant: Sed in causa erit, quod radius TL tendat ad K ; & Tn ad G . Et è contra, quod XL tendat versus G ; Et Xn ad K . Et sic de cæteris. Ut ad distinctè repræsentandum punctum, X necesse sit, totam figuram humoris LNE

mu-

Fig. XVII.



mutari, reddique planiorem obtusio remve. Ut verò figura notata litera *i* repræsentet punctum *r*, necesse est ut paulò convexior reddatur eâ, quæ




notatur literâ *f*. Mutatio magnitudinis, quæ pupillæ accidit, vires videndi moderatur. Etenim lumine vehementius agente, imminuitur; ne nimia radiorum in oculos illabentium copia offendatur nervus. Lumine verò debiliori existente dilatatur, ut radii sufficientes ad sensum excitandum subingrediantur. Quinetiam si lumen æquale remaneat, pupillam majorem fieri

Figura
XVIII.


Fig. XIX.

• pli gratia, si per pupillam oculi non intrent plures radii puncti *r*, quàm requiruntur, ut visu possit percipi, necesse est, tot radios in oculum illabi, adeoque pupillam esse majorem. Parvitas pupillæ



læ visionem quoque magis distinctam red-

dit. Sciendum enim, qualemcunque figuram habere possit humor crystallinus, fieri non posse, ut radii, qui à diversis objecti punctis promanant, omnes exactè colligantur in diversis aliis punctis: Sed simul ac, exempli gratia, radii puncti R accurate congregentur in puncto s, nulli erunt ex puncto T, præter illos, qui trans-eunt per circumferentiam atque centrū unius circulorum, quæ de-




scribi possunt in humoris crystallini superficie,

qui perfectè colligi possunt in puncto v. Et per consequens alii, qui tantò essent minori numero, quanto pupilla fuerit minor, tangentes alia illius nervi puncta, non possunt, quin confusionem adferant. Unde fit, si visus ejusdem oculi impræsentiarum sit imbecillior, quàm modò, ut objecta quoque minus distinctè referat; sive id ex objecti distantia, sive ex luminis debilitate proficiscatur. Hinc est, quod anima singulis visionibus non nisi unicum punctum distinctissimè percipere possit; illud videlicet, ad quod totus oculus convertitur. Ideoque & alia illi apparebunt eo confusiora, quo magis ab hoc distabunt. Nam si, exempli gratia, omnes radii puncti R exactè congregentur in puncto s, radii puncti x minus accurate colligentur in puncto y, quàm radii puncti t in puncto v. Idemque esto de cæteris judicium, proportionem scilicet servatâ inter ea, quæ magis distant à puncto R. Musculi autem o o. oculos quaquaversum promptissimè vertentes, hunc defectum suppleant; minimo scilicet temporis spatio eos omnibus objecti punctis successivè applicando; quo fit, ut anima aliud quidem post aliud, omnia tamen distinctissimè videat.

20. Hîc singulatim non explico, quid animæ præ-

præbeat occasionem omnes colorum differentias concipiendi: De iis enim abundè supra. Neq; etiam hic prolixè describo, quænam objecta visum suaviter afficiant; quænam verò eundem offendant. Etenim ex iis, quæ de aliis sensibus, perceptu non est difficile, lumen nimis intensum lædere visum, moderatum verò recreare, maximè verò colorem viridem; utpote qui consistit in proportionem unius ad duo, & se habet uti octava ad consonantes sonos Musicæ; & panis quotidianus ad cætera cibi genera, magis nimirum universaliter delectans. Et denique omnes illi diversi colores, quibus novitas gratiam conciliat, qui sæpè majus visui oblectamentum præbent, quàm viridis color, sunt velut egregiæ, atque insolitæ excellentis Musici modulationes, aut sapientis coqui delicatior cibus. Quæ quidem in principio sensum velut prurigne suaviùs afficiunt, sed longè citiùs tædium, nauseamq; pariunt, quàm objecta simplicia, & ordinaria. Id solum explicandum restat, quid istud sit, quod animæ rationem exhibet percipiendi situm, figuram, distantiam, magnitudinem, aliasque similes qualitates, quæ non uno duntaxat sensu percipiuntur, cujusmodi videlicet illa sunt, de quibus huc usque; sed quæ tactui, gustui, & utcunque etiam aliis sensibus sunt

com-



communia. Nota igitur primo, cū manus A, exempli gratia, tangit corpus C, partes cerebri B, unde illorum nervorum filamenta proveniunt, aliter disponuntur, quam siquid tangeret aliud, vel figuræ, vel magnitudinis, vel alibi situm. Atque propterea anima per peculiarem illum modum, quo afficitur, cognoscere potest corporis situm, figuram, magnitudinem, similesque qualitates. Eademque ratione si oculus D respiciat



objectum E, anima situm illius objecti cogno- Fig. XXII.
H scere

scere poterit : quia illius oculi nervi alio modo erunt dispositi , quàm si aliorum respiceret. Eiusdemque figuram agnoscet : quia radii puncti 1 colligentes sese in puncto 2 , ad nervum , qui opticus dicitur , & radii puncti 3 in puncto 4 , atque ita de cæteris , figuram pingent figuræ suæ exactè similem. Eadem cognoscere potest distantiam puncti 1 : quia crystallini humoris dispositio alterius erit figuræ , ut omnes radii venientes ab hoc puncto , præcisè in oculi fundo colligantur ad punctum 2 , quod , uti & supra dictum , medium inter remotum & propinquum esse suppono. Quin etiam , anima cognoscere poterit figuras puncti 3 , & simul omnium aliorum , ex quibus radii eodem tempore intrabunt oculum : quia humore crystallino eo modo disposito , radii puncti 3 non tam præcisè in puncto 4 congregabuntur , quàm illi , qui veniunt à puncto 1 , colliguntur in puncto 2. Idem de cæteris esto iudicium. Sed neque illi servatâ proportionem tantis viribus agent , uti aliàs quoque significatum. Anima denique percipere potest magnitudinem objectorum visum afficientium , aliasque similes qualitates solâ notitiâ , quam habet , distantia , situsque punctorum omnium , quibus constat. Quemadmodum etiam vice versa de

ſcâ de eorum distantia judicabit ſolâ opinione;
quam concepit de ejus magnitudine. Nota quo-
que, ſi ſingulæ hæ duæ manus F & G diverſum pre-

Figura
XXIII.

Fig XXIII



hendant baculum H & I, quibus tangant ob-
jectum K; quamvis anima illorum baculorum lon-
gitudinem nullâ aliâ ratione noverit, cognitâ ta-
men distantia duorum punctorum F & G, & ma-
gnitudine angulorum F.G.H, & G.F.I, velut natû-
rali quâdam Geometriâ certior eſſe poteſt, ubi ſit

objectum *K*. Similiter si ambo oculi *L* & *M* directe respiciant objectum *N*, magnitudo lineæ *L.M.*,

& simul angulorum *E. M. N.*,

& *M. L. N.* demonstrabit ei,

ubinā sit punctum *N*. Attamen in hisce

omnibus sæpe-

numero decipi potest anima.

nam primò, si

digiti oculi

fitus ab exteriori causa contra naturam

distorqueatur, non tam accurate

respondebit cerebri


particulis, unde nervi profluunt,

quàm si non


nisi à musculis naturaliter agentibus dependet; adeoque anima, quæ solo illarum cerebri

par-

Figura
XXIV.




particularum interventu sentit, tum non poterit non decipi. Exempli *Fig. XXV.*



gratia; si manus F per se disposita, ut sese vertat ad O, vi quadam exteriori distorqueatur ad K, partes cerebri, ex quibus hi nervi originem sortiuntur, eo modo non erunt dispositæ, quam si manus spontaneo musculorum motu esset

conversa ad K: neque etiam eodem modo, quàm si verè esset directæ ad O: Sed modo inter illa duo media, scilicet eodem modo, ac si esset conversa ad P. Unde anima occasionem capiet



dijudicandi *Figura XXVI.* objectum K esse in puncto P: atque esse aliud, quam illud, quod tetigit manu G. Haud aliter si oculus M vi sit contortus ab ob-

objecto *N*, atque ita dispositus, quasi respiceret ad *Q*, anima judicabit illum esse directum ad *R*: & quia oculo sic constituto, radii objecti *N* in oculum incident planè, quemadmodum illi oculos feriunt, qui veniunt à puncto *s*, si oculus revera esset ad *R* conversus, judicabit objectum *N* esse in puncto *s*: adeoque esse aliud, quàm quod aspici-
 tur ab oculo *M*. Pari quoque ratione duo digiti *T* & *R*, tangentes globulum *x*, occasionem dabunt animæ putandi, sese duo corpora diversa con-


Figura
XXVII.



tingere: quia nimirum decussati digiti, contra naturalem situm distorti detinentur. Porro, si radii aliæve lineæ, interveniente quavis objectorum
 distan-


distantium actione, in sensus illabentes sunt curvæ; anima, quæ communiter supponit illas ut-
cunque rectas, occasionem capiet sese fallendi.

Figura
XXVIII.



Quemadmodum, si baculus H sit incurvatus ver-
sus K, objectum K, quod tan-

Figura
XXIX.



get, animæ vide-
bitur versus R. Si
verè oculus L reci-
piat radios obje-
cti N pervitrum 3,
quod eos frangit
sive incurvat, ob-
jectum illud ani-
mæ videbitur esse




Figura
XXX.


in puncto A. Pari ratione si oculus B
reci-

*Vide su-
pra Fig.
XXIV.*

recipiat radios puncti *D* per vitrum *C*, quos omnes eodem modo fractos sive incurvatos suppono, quàm si ex puncto *E* prodirent, & quasi illi, qui sunt in puncto *F* ex puncto *G* proficiscerentur; atque ita de cæteris: Animæ apparebit objectum *D.F.H.* eadem magnitudine & distantia, quàm videtur objectum *E.G.I.* Ut finem faciamus, notandum; omnes modos, quibus anima objectorum distantiam visu dignoscere satagit, dubios esse atque incertos. Nam quantum ad angulos *L.M.N.*, & *M.L.N.*, illisque similes, ferè non amplius sensibiliter mutantur, cum objectum distat pluribus, quàm 15 aut 20 pedibus. Et quod attinet ad dispositionem humoris crystallini, minus etiam sensibiliter ea mutatur, simul ac objectum ab oculo plusquam tribus quatuorve pedibus distat. Denique iudicium quod spectat de distantia, quod formamus vel per opinionem, quam de objectorum magnitudine concepimus: vel exinde, quoniam radii, qui à diversis ipsorum punctis proveniunt, in oculi fundo tam accuratè non uniuntur; tabulæ ad perspectivæ amussim depictæ, utriusque argumenti vim elidunt, ostenduntque, quàm facile istis decipiamur. Etenim quotiescunque figuræ secundum perspectivam minores pinguntur, quàm nobis

no bis imaginamur esse illas debere, & coloribus obscurioribus, atque lineamentis confusioribus, utique remotiores apparent & majores, quàm revera sunt.

Figura
XXIV.



21. Explicatis itaque quinque sensibus externis, quatenus in hac machina reperiuntur: sensus internos, quibus eadem est instructa, silentio transire non licet.

22. Cùm igitur liquor, quem supra dixi in stomacho velut aquæ fortis officio defungi, & ex sanguinis massa per artiarum extremitates in ipsum continuò illabi,

sufficiens alimentum istic non invenit, quod consumat: aut in quod omnes suas vires exerceat, in ipsum stomachum illas convertens, filamenta nervorum ejus solito vehementius agitat, commoventur cerebri partes, ex quibus illa oriuntur. Adeoque in causa sunt, quod anima, illi machinæ unita, generalem famis ideam concipiat. Si verò liquor ille ejus sit temperamenti, ut vires suas magis exercere possit in certos quosdam cibos, quàm in alios; quemadmodum communis aqua fortis citiùs metalla solvit, quam ceram: peculiari quoque modo in nervos stomachiaget: unde anima tùm concipiet appetitum hos potius cibos, quàm alios comedendi. *Hic notari potest mira hujus machinæ conformatio, quod fames oriatur ex jejunio. Sanguis enim circulatione acrior fit, & ita liquor ex eo ad stomachum veniens, nervos magis vellicat; idque modo peculiari, si peculiaris sit constitutio sanguinis: unde pica mulierum.*

23. Liquor autem iste præcipuè in stomachi fundo congregatur, ibique sensum famis proritat. Quin etiam plures ejus partes ad gulam ascendunt. Et verò cum minùs copiosè illuc feruntur ad humectandum, & poros per modum aquæ replendos, non aliter eò tendunt, quàm per modum aëris, aut fumi: proinde insolito modo
in

in nervos agentes, motum in cerebro excitant, cujus occasione anima sitis ideam concipiat. Pari ratione, quando sanguis purior est, & subtilior, citiusque effervesceat, disponit nervulum, qui ibi est, eo modo, qui ad voluptatis sensum excitandum requiritur: vel etiam si sanguis contraria temperie sit affectus, tristitiæ sensum efficiet. Ex quibus manifestè constat, quidnam in illa machina reperiatur, quod aliis sensibus interioribus, qui nobis insunt, sese offerat. Tempus itaque exigit, ut explicare ordiar, quomodo spiritus animales in cerebri ventriculis ejusque poris moveantur, & quænam functiones ab ipsis dependeant.

24. Si te fortè incescit curiositas pneumatica Templorum organa accuratiùs introspiciendi, vidère tibi contigit, quæ folles aëra in quædam venti receptacula cogant; quæ uti mihi persuadeo, arcæ venti meritò vocitantur: & quomodo aër ex illis suis carceribus in diversos canales modò hos, modò illos erumpat, prout organista digitis suis pulsat organi claves, sive manubria epistomiorum.

25. At hic si libet, concipe cor & arterias, quæ spiritus animales in concavitates cerebri nostræ machinæ compellunt, esse velut organi folles,

qui aërem in ipsa venti receptacula impellunt. Objecta verò externa, quæ, quatenus nervos movent, efficiunt, ut spiritus illarum concavitatum intrent in quorundam eorum nervorum poros, non insubidè comparaveris organistæ digitis, qui secundum diversos motus, quibus claves deprimant, faciunt, ut aër ex venti receptaculis in certos quosdam tubos erumpat. Quemadmodum verò harmonia Organorum non dependet ab illa tuborum, quibus excitatur, dispositione, quæ extrinsecus apparet: neque etiam ex figura receptaculorum venti aliarumve partium: sed tantummodò ex tribus causis. Nimirum ex aëre, qui ex follibus spiratur: ex tubis, qui sonum edunt: atque ex distributione illius aëris in illos tubos. Similiter functiones, de quibus hîc sermo, nullatenus dependent ab exteriori omnium partium visibilium figurâ, quas Anatomici in cerebri substantia distinguunt: neque etiam ex figurâ concavitatum ejusdem: sed tantummodò ex spiritibus, qui ex corde profluunt: ex poris cerebri, per quos transeunt: & à modo, secundum quem spiritus illi in illos poros distribuuntur. Ut tantum necesse sit explicare, quicquid in hisce tribus maximè notatu dignum occurrit.

26. Primò quantum ad spiritus animales attinet, ii diversis temporibus existere possunt, vel majori vel minori copia: eorumque partes vel magis minusve crassæ: vel magis minusve agitatae: vel magis minusve inter se inæquales. Atque harum differentiarum ratione, omnes diversæ complexionēs, & naturales affectus, quibus afficimur, saltem quatenus non dependent à constitutione cerebri, vel peculiaribus affectibus animæ, in hac machina repræsentantur. Si enim hi spiritus solito copiosiores existant, aptitudinem habebunt motus in illa machina excitandi planè similes iis, qui in nobis testantur bonitatem, liberalitatem, & amorem: similesque illis, qui indicant nos esse præditos confidentiâ & audaciâ: si nimirum ipsorum partes sint fortiores, crassioresque. Promptitudinem verò, diligentiam & desiderium, si sint magis agitatae. Et tranquillitatem ingenii, si æqualiter moveantur. Quemadmodum è contra malignitatem, timiditatem, inconstantiam, negligentiam & inquietudinem præ se ferunt, si qualitatibus illis careant. Sciendum porrò omnes alias complexionēs, sive naturales cupiditates ex his jam recensitis componi, sive ab iis dependere. Quemadmodum complexio lata ex promptitudine & ingenii tran-

quillitate componitur: bonitas autem & confidentia temperamentum illud perfectius reddunt. Complexio triftis ex tarditate, & inquietudine constat: quam malitia & timor intenderequeunt. Complexio cholericæ ex promptitudine & inquietudine conflatur: quam malignitas & confidentia firmant. Atque idem de cæteris. Quia verò complexionibus illæ, aut faltem paffiones, ad quas inclinant, admodum quoque dependent ab impressionibus, quibus afficitur fubftantia cerebri: quas pofttea melius intelliges; Suffecerit hoc loco cauſas differentiarum ſpiritus recenſere.

27. Ciborum igitur ſuccus, qui per ſtomachum in venas tranſit, ſanguini ſeſe immiſcens, ſemper quaſdam ſuarum qualitatũ communit: &, ut cætera reticeam, quando illi recens permifcetur, illum plerumque craſſiorem reddit; ut tũ exiliores ſanguinis particulæ, quas ſanguis mittit ad cerebrum, ut ibi fiant ſpiritus animales, non ſoleant tũ quidem tãm eſſe agitatæ, neque tãm efficaces, neque tãm abundantes; & per confequens, tantam alacritatem & levitatem iſtius machinæ corpori non concilient, quam quidem poſtea: nimirum abſolutâ digeſtione, cũ ſanguis ſæpius iterato tranſitu per
Cor,


Cor, majorem sibi subtilitatem comparavit. Aër insuper, qui inspiratur, sese quoque certâ ratione permiscens sanguini, priusquam sinistrum cordis ventriculum ingrediatur, efficit, ut ibi vehementius incendatur : ibidemque producit spiritus vividiores & magis agitados siccâ, quàm humidâ tempestate. Quemadmodum etiam cujuscunque generis flammam tùm temporis vehementius efflagrare manifestum est. Porro cùm hepar est benè dispositum, atque sanguinem in cor effundendum perfectè allaborat: spiritus, qui ex illo sanguine excernuntur, longè sunt copiosiores, & equaliùs agitati. Hepate verò à suis nervis presso, partes sanguinis subtiliores, quas continet, derepente ad cor ascendentes, spiritus quoque solito copiosiores & vividiores generabunt, attamen minus æqualiter agitados. Si fel, natum purgare sanguinem, ab illis partibus, quæ aptiores sunt, ut reliqua sanguinis massa in corde inflammetur, officio suo desit: vel à nervo suo restrictum, materia, quam continet, refundatur in venas; & spiritus etiam tantò erunt vividiores, seu agiliores, simulque inæqualius agitati. Si verò lien, cujus è contra est purgare sanguinem ab illis partibus, quæ minùs eo, quo dictum est, modo, in corde inflammari possunt, malè sit dispo-

dispositus : aut suo nervo , aliove corpore constrictus , pressusve , materia , quam continet , regyrabit in venas ; spiritusque erunt eò minus copiosi , minusque agitati , atque inæqualius acti. Denique omnia illa , quæ sanguini mutationem quandam inferre queunt , possunt quoque spiritus immutare : sed omnium maximè nervulus , qui in corde terminatur , quandoquidem distendere & constringere potest , rùm ambos introitus , per quos sanguis venarum , & aër expulmonibus descendunt , cùm etiam illos , per quos sanguis exhalat in arterias , mille differentias spiritibus indere potest. Haud secus quàm calor quarundam lampadum , quæ chymicis sunt in usu , diversimodè temperari potest , quatenus magis minusvè aperitur modo illud orificium , per quod oleum aliudve flammæ alimentum se debet recipere , modo illud , per quod fumus elabitur.

28. Quod verò ad cerebri poros attinet ; eos nobis aliter imaginari non debemus , quam per modum quorundam intervallorum , quæ inter fila linteï observare licet. Totum enim cerebrum nihil aliud est , quàm textus quispiam peculiari modo concinnatus , quem hic explicare conabor.

29. Concipe igitur superficiem AA, quæ respicit concavitates EE, velut plexum satis expansum, densumque textum, cancellatim reticulatum. Cujus singula filamenta nihil aliud sunt, *Figura XXXI.*

Fig. XXXI



quàm totidem tubi, per quos spiritibus patet introitus : quique continuo respicientes glandulam H, unde spiritus exiliunt, facillimè huc atque illuc, ad diversa illius glandis puncta sese convertere possunt: uti videre licet, aliter esse conversos in figura 48. quam 49. Cogita quoque, innumerum filamentorum valdè exilium numerum ex illo plexu prodire. Quorum alia aliis ordinariò


riò sunt longiora. At verò, postquam hæc filamenta sibi diversimodè reticulatim sunt intertexta per totum spatium B, longiora descendunt ad D: indeque medullam nervorum componentia, per omnia membra disparguntur. Cogita quoque, præcipuas horum filamentorum qualitates esse, sola vi spirituum, quibus tangantur, facile admodum variis modis plicari, flectique posse; haud secus ac si ex plumbo, vel cera confecta forent: adeoque semper retinere plicam, qua ultimò erant affecta, donec ipsis alia à spiritibus contrario modo agentibus imprimatur. Considera denique, poros, de quibus hîc quæstio, nihil esse, quàm intervalla, quæ inter hæc filamenta reperiuntur: quæque diversimodè extendi & constringi possunt vi spirituum in ea sese recipientium: quatenus nimirum illa vis, vel intensior est, vel remissior. Breviora verò illius plexus filamenta sese recipiunt in spatium CC: ubi singula terminantur ad extremitates quorundam inibi vasculorum, per quæ cerebrum alimentum accipit. Ut verò omnia explicem, quæ in illo plexu occurrunt notatu digna, operæ pretium erit agere de spirituum distributione. Primò igitur, sese nulli loco alligant, sed prout intrant cerebri ventriculos EE, per foramina glandulæ notatæ

tatæ literâ H, è vestigio tendunt ad tubos *aa*, qui illis directius opponuntur: & si tubi isti *aa* minus sint reſerati ad omnes recipiendos, ad minimum ſaltem fortiores agilioresque capient. Interea debiliores & reſidui repelluntur ad canales *i, k, l*, qui nares reſpiciunt, atque palatum. Scilicet magis agitati ad canalem *i*: per quem, cum adhuc vigoris ſatis habent, & exitum minus liberum inveniunt, quandoque tam impetuoſe proſiliunt, ut titillationem interioribus narium partibus, adeoque ſternutationem excitent. Deinde, reliqui ſpiritus ſe recipiunt ad *k & l*: in quos canales, utpote admodum capaces, facilis iſſis eſt tranſitus: vel ſi illis ibidem introitus negetur, ita ut coacti ſint reverti ad tubulos *aa*, qui interiori cerebri ſuperficie; inſunt, conſeſtim ſcoto- miam, vertiginemve cauſantur, quibus functiones imaginationis turbantur. In tranſitu verò notare licet, particulas ſpirituum debiliores in pituitam facilè condenſari: non quidem quamdiu in cerebro continentur, niſi vehemens quidam morbus aſſit: ſed in iſtis amplioribus ſpatiis, quæ infra baſin illius inter nares & guttur deprehenduntur. Quemadmodum fumus in tubo quidem camini facilè degenerat in fuliginem, nunquam verò in foco, ubi viget ignis.

Nota quoque; dùm ajo spiritus egrediendo ex glandula H, tendere in spatia concavæ, sive interioris superficiei cerebri, illis directiùs opposita, non hanc mihi mentem esse, ut intelligas, eos tendere directè ad illa duo, quæ ipsis è diametro sunt opposita. Certè quandoquidem cerebri substantia mollis admodum & plicabilis est, concavitates illius admodum angustæ forent & fermè omnes occlusæ, uti in cadaveris cerebro apparet: nisi spiritus quidam se in illas recipe-
rent. Sed origo, ex qua illi spiritus scaturiunt, ordinariò solet tantâ eorum copiâ abundare, ut simulac ventriculos cerebri intrant, ibi viribus polleant, obstantem sibi materiam unde quaque circumpositam removendi, eamque inflandi: omniaque nervorum filamenta, quæ ex ea prodeunt, intendendi. Quemadmodum paulò vehementior ventus vela pandere, omnesque funes, quibus affixa sunt, tendere potest. Unde hæc machina tum equidem disposita, ut omnibus spirituum actionibus pariter obediat, corpus hominis vigilantis præ se fert. Aut saltem spiritus vim habent pellendi, adeoque expandendi quandam duntaxat cerebri partem, cæteris immotis flaccidisque: uti quoque vela flaccida remissaque observamus, cum ventus debiliior est, quàm

quàm ut illa implere, planeque expandere possit. Atque machina sic disposita, corpus hominis dormientis repræsentat, & cui per insomnia diversa phantasmata occurrunt. Concipe, exempli gratia, eam esse differentiam, inter M & N, quam

Figura
XXXII.




inter vigilantem & dormientem, simulque somniantem observamus. Sed antequam de somno ejusque insomniis peculiariùs agam, operæ pretium erit, illa omnia considerare, quæ cerebro vigiliarum tempore accidunt: quomodò nimirum formentur objectorum ideæ in sede imaginationi atque sensui communi dicata: & quomodo

modo illæ in memoria conserventur, atque omnium membrorum motum cieant.

Figura
XXXIII.

Fig: XXXIII



30. Ex figura notata *m* constat, quomodo spiritus, effluentes ex glande *H*, postquam dilataverint partem cerebri notatam *A*, reseratis omnibus poris, inde se recipiant ad *B*, deinde ad *C*, denique versus *D*: unde in omnes nervos diffunduntur. Atque hoc modo omnia filamenta, ex quibus nervi cerebrumque sunt composita, sic intenta continent, ut actiones etiam illæ, quæ valdè exilis virtutis sunt ad movendum, facile ab altera sui extremitate alteri communicentur: quibus

quibus viarum, quas transeunt, obliquitas neutiquam est impedimento. Sed ne illi viarum anfractus tibi obsint, quo minus clarè percipias quomodo illa obliquitas inserviat formationi idearum objectorum, quæ sensus feriunt, oculos in hanc figuram conjice. Vide in sequenti figura filamenta 1, 2, 3, 4, 5, 6: & similia, quæ *Figura XXXIV.*

Fig. XXXIII. XXXVIII.^{2o} & XLII.



nervos opticos componunt: atque expanduntur ab oculi fundo 1, 3, 5, usque ad interiorem cerebri superficiem 2, 4, 6. & cogita, hæc filamenta eo modo esse disposita, ut, si radii ducti, verbi gratia,

gratia, à puncto A, premant fundum oculi in puncto i, eâ ratione trahant totum filamentum 1, 2. & extendant magisque aperiant tubulum notatum numero 2. Eodem prorsus modo, radii incidentes in punctum 3, aperiunt tubulum 4. Idemque de cæteris esto judicium: ita ut, quemadmodum diversi modi, quibus puncta 1, 3, 5. istis radiis premuntur, oculi fundo figuram imprimunt respondentem objecto A, B, C: uti supra dictum. Sic etiam evidens est diversos modos, quibus tubuli 2, 4, 6 aperti sunt filamentis 1, 2, 3, 4, 5, 6, &c. sui quoque vestigium interiori cerebri superficiei imprimere debere.


31. Deinde cogita spiritus, qui in singulos tubulos 2, 4, 6, & his similes, conantur ingredi, non prodire indifferenter ex omnibus punctis, quæ insunt superficiei glandis H, sed solummodo ex quibusdam singulatim: atque illos, qui exempli gratia, egrediuntur ex puncto A, conniti, ut ingrediantur tubos 4. & 6. atque sic de cæteris. Ut simul atque illorum tubulorum hiatus sit major, spiritus ex hujus glandis superficiei liberius citiusque, quàm antehac, incipiant egredi per puncta illos tubulos respicientia. Et quemadmodum diversi modi, quibus tubi 2, 4, 6 sunt aperti, interiori cerebri superficiei figuram imprimi-

primunt, similem objecto *ABC*. Sic etiam illi modi determinationesve, quæ oriuntur à spiritibus scaturientibus à punctis *ABC*, eandem figuram superficiei glandis imprimunt. Notandum verò, me hoc loco figuræ nomine non tantum illa intelligere, quæ linearum determinationes, objectorumque superficies quodammodo repræsentant: sed etiam illa omnia, quæ eo, quo dictum est, modo, animæ occasionem exhibere possunt sentiendi motum, distantiam, magnitudinem, colores, sonos, odores, aliasque similes qualitates. Imò etiam illa, quibus anima perciperet titillationem, dolorem, famem, lætitiā, tristitiā, aliasve similes passionēs. Intellectu enim facile est, tubum, verbi gratia, 2 alio modo aperiri actione, quam dixi excitare sensum coloris rubri, vel sensum titillationis: quam per illam, quam asserui inducere sensum coloris albi: vel eum, qui est doloris. Spiritusque profluentes ex puncto *A*, diversimodè in hunc tubum tendere, quatenus diversimodè fuerit referatus: & sic de cæteris. Hisce verò figuris non connumerandæ sunt illæ, quæ sensuum externorum organis, aut interiori cerebri superficiei inscribuntur. At istæ duntaxat, quibus afficiuntur spiritus in superficiei glandis *H*: ubi ima-

ginationis & sensus communis sedes est. Quæ sumendæ sunt pro ideis, id est, pro formis aut imaginibus, quas anima rationalis immediatè considerabit, postquam isti machinæ unita, objectum aliquod imaginabitur aut sentiet. Notandum, me dicere, imaginabitur, aut sentiet: quan-

Figura
XXXV.

Fig. XXXV.




doquidem ideæ nomine generaliter comprehendere volo quascunque impressiones, quas spiritus egredientes ex glandula *H* recipiunt. Quæ omnes, cum nimirum dependent ab objecti præsentia, ad sensum communem referendæ. Sed

Sed eæ quoque, ut post demonstrabo, à multis aliis caulis provenire possunt: & tùm imaginationi tribuendæ sunt. Hic addere possem: quomodo istarum idearum vestigia transcant per arterias in cor: indeque per totum sanguinem radios suos diffundant. Quomodo etiam eadem, quibusdam matris actionibus, quandoque sic determinari possint, ut sese membris infantis, qui in matris utero formatur, imprimant. Sed sufficiet porrò tibi explicare, quomodo imprimantur internis cerebri partibus, notatis B: Ubi sedes est memoriæ. Cogita igitur, postquam spiritus, qui egrediuntur ex glandula H, ibi cujusdam ideæ impressionem receperint, inde transire per puncta 2, 4, 6, & similes, in poros, sive intervalla, quæ reperiuntur inter filamenta, ex quibus illa cerebri pars B B est composita. Qui porrò spiritus & vi præditi sunt intervalla quadantenus dilatandi: quin etiam plicandi & diversimodè disponendi filamenta, in quæ transeuntes impingunt, secundum diversos modos, quibus moventur, diversasque aperturas tubulorum, per quos transeunt: Ut ibi quoque figuras objectorum figuris similes imprimant. Non tamen primo, ictu tantâ facilitate aut perfectione, illis induntur, qua glandi H. Sed sensim meliùs,

accuratiusque : quatenus spirituum actio vel fortior est, vel diuturnior, vel sæpius repetita. Qua de causa, hæ figuræ tam facilè quoque non delentur, sed ibi remanent: ita ut ipsis median-ribus ideæ, quæ aliquando illi glandi fuerunt in-ditæ, ibi longo post tempore, absentibus etiam objectis, quorum simulacra sunt, iterum forma-

Figura
XXXV.

Fig. XXXV.




ri queant. Qua in re consistit memoria. Cùm, exempli gratia, actio objecti ABC magis aperit tubos 2, 4, 6, 8, est in causa, quod spiritus majori copia eos intrent, quam hoc adjumento desti-
tuti

tuti possent. Est quoque in causa, quod dum ulterius transeunt ad *N*, viribus polleant, ibi canaliculos quosdam sibi formandi, qui cessante quoque actione objecti *A*, *B*, *C*, remaneant aperti: aut saltem si occludantur, eam dispositionem relinquant filamentis, ex quibus illa cerebri pars *N* est composita, qua mediante longè facilius rursus aperiri possint, quàm si nunquam fuissent aperti. Quemadmodum si plures acus transiis-

Figura


XXXVI.



raminula, quæ in eo fierent, remanerent aperta, quemadmodum circa *B*, etiam acubus ablatis. Vel si iterum occluderentur, quædam nihilominus signa in illo texto relinquerent, velut circa *O*: quæ post perfacilè de novo recludi possent.

Figura
XXXVII

Imò notandum; quod si quædam tantum eorum
recluderentur, uti A & B. illâ solâ ratione, etiam
alia, puta C & D, eodem tempore aperirentur: im-




primis si sæpiùs simul fuerint aperta, atque alia
sine aliis aperire solita non fuissent. Unde li-
quet, quomodo recordatio rei queat excitari per
memoriam alterius, quæ alias simul cum illa me-
morix fuit impressa. Quemadmodum naso, o-
culisque visu perceptis, statim frontem, os, cate-
rasque omnes faciei partes mihi imaginor: quia
nullam illarum partium videre solitus sum, quin
simul omnes intuear. Sic etiam conspiciens
ignem,

ignem, recordor caloris ejus : quandoquidem ignem videndo, simul & illum haud rarò percepi. Considerandum porrò; glandulam h. ex materia valdè molli compositam esse : quæque

*Figura
XXXVIII.*

Fig. XXXVIII.



substantiæ cerebri undequaque non est unita, sed tantummodo arteriolis illi annexa: quarum tunicae sic satis laxae sunt & plicabiles, quibus suspensa velut in bilance, vi sanguinis, quem calor cordis in ipsam impellit. Ut facili negotio determinari queat ad sese inclinandum magis minusve, modo huc, modo illuc: efficiatque ut inclinando disponat spiritus, qui ex illa egrediun-

diuntur, ut potiùs in has, quam illas cerebri partes profluant. Atqui duo comprimis hic occurrunt (viribus animæ, de quibus postea, non connumeratis) quæ glandulam illam movere possunt, hîc neutiquam prætermittenda. Primum est differentia, quæ occurrit inter particulas spirituum, qui ex ea egrediuntur. Si enim omnes spiritus æqualium essent virium, nullaque foret alia causa, quæ eam huc, illucve inclinare posset: spiritus per omnes glandulæ poros æqualiter diffuerent, & ipsa sese velut in æquilibrio prorsus immobilem in capitis centro contineret. Quemadmodum ostensum in figura 40. Verùm tamen, quemadmodum corpus aliquod filis quibusdam affixum, atque vi fumi ex camino egredientis in aëre sublatum, continuo fluctuaret, quatenus diversæ fumi partes diversimodè in illud agerent: Sic etiam particulæ illorum spirituum, qui glandulam istam allevant, sustinentque, fermè semper aliquantulum differentes, ipsam modo in hanc, modo in aliam partem inclinant. Quemadmodum videre licet in figura 41. Ubi non tantum illius centrum h paulo remotius est à centro cerebri, notato litera o: verum etiam arteriarum extremitates, quæ eam sustinent, ita sunt incurvatæ, ut ferè omnes spiritus

ritus, quos ipsi offerunt, tendant per superficiem

a, b, c, ad tubulos 2, 4, 6, 8: aperiendo eâ ratione il-

Figura
XXXIII.

Fig. XXXIII. XXXVIII.^{2o} & XLII.



los illorum tubulorum poros, qui eò cæteris directius respiciunt. Præcipuus autem effectus, qui ex his oritur, in eo consistit; quod spiritus ita egredientes, peculiariùs nimirum ex certis quibusdam partibus superficiei glandis, quam ex aliis, efficaciam habeant interioris superficiei cerebri tubulos, in quos sese recipiunt, circumvertendi ad loca, quibus egrediuntur; nisi fortè omnes eò conversos reperiant: atque hac ratio-

M

ne

ne efficiendi, ut membra, quibus illi tubuli sunt affixi, ad illa loca moveantur, ad quæ se referunt partes superficiei *h*. Notandum quoque, ideam motus membrorum non consistere, nisi in modo, quo spiritus ex illa glande tum exsiliunt: adeoque motum ipsum à sua idea formari. Quemadmodum hic, exempli gratia, supponere possumus causam, quâ tubus 8 magis sese convertit ad punctum *b*, quàm aliorsum, illam duntaxat esse, quod spiritus egredientes ex isto puncto, majori vi in illum, quàm alii tendant. Atque hoc ipsum animæ occasionem exhibet sentiendi brachium se vertere ad *b*, si sic machinæ brachium sit dispositum, uti modo supponam. Cogitandum enim, omnia puncta, ad quæ tubi illi converti possunt, ita respondere omnibus locis, ad quæ brachium, notatum 7, moveri potest, ut nullâ aliâ causâ brachium jam sit conversum ad objectum *b*, quam quia ejus tubus respicit punctum *b*. Quod si spiritus cursum mutantes, tubum suum converterent ad aliud aliquod punctum, puta ad *c*, filamenta 7, quæ, circa eum orta, producuntur in ea brachii membra, mutantes eâdem ratione situm suum, quosdam cerebri poros, sitos circa *d*, atque alios quosdam, dilatarent. Quo fit, ut spiritus ex iis in illos musculos

Fig. XXXIX.



culos aliter, quam impræsentiarum, transituri, convertant è vestigio brachium ad objectum c. Prout reciprocè, si alia quædam actio, quàm illa spirituum, qui intrant per tubulum 8, vertat idem brachium ad b, aut ad c, efficeret, ut isti rubi 8 aut d, sese verterent ad b, aut c: adeoque illius motus idea simul etiam formaretur; saltem si attentio non esset distracta, id est, si glandula h fortiori quadam actione non esset præpedita ad se inclinandum ad 8. Atque ita in genere cogitandum, alium quemcunque tubulum in interiori cerebri superficie situm, referri ad unumquodque cæterorum membrorum: & unumquodque cæterorum punctorum superficiiei glandis h, ad quemcunque locum, quo membra illa converti possunt. Ut membrorum motus, eorumque ideas sibi mutuò atque reciprocè causas esse nihil repugnet. Quinetiam hac occasione intelligimus, quare, cum ambo machinæ oculi, atque variorum aliorum sensuum organa in idem objectum sunt conversa, ideò plures ideæ in illius cerebro non formentur, sed unice duntaxat. Cogitandum est semper, esse eadem puncta hujus superficiiei glandulæ h, ex quibus spiritus egrediuntur, qui, in diversos tubos tendentes, diversa membra ad diversa objecta con-

convertere possunt: Quemadmodum hic ex solo puncto *b* egrediuntur spiritus, qui tendentes ad tubos 4, 4 & 8, eodem tempore vertunt duos oculos, dextrumque brachium ad objectum *B*: quod creditu non est difficile. Ut porro intelligamus, in quo idea distantiae objecti consistat; cogitandum est, quatenus superficies situm mutat, eadem ejus puncta sese referre ad loca tantò magis distantia à centro cerebri, notato *o*, quanto sunt propiora, & eo magis propinqua, quo sunt remotiora. Prout hic, exempli gratiâ, si punctum *B* paulò magis retrò cessisset, se referret ad locum remotiorem, quàm *B*. At si esset paulò inclinatio ad anteriorem partem, se referret ad locum propiorem: unde fiet, si machinæ insit anima, ut ea quandoque diversa objecta sentire possit, mediantibus iisdem organis, eodem modo dispositis, licet prorsus nihil immutetur, præter situm glandis *H*. Prout hic, exempli gratia, anima percipere poterit id, quod est in puncto *L*, mediantibus duabus manibus tenentibus duos baculos *NL* & *OL*. Quandoquidem ex puncto *I* glandis *H* egrediuntur spiritus, qui tendunt ad 7 & ad 8, quibus duæ illæ manus respondent. Si verò hæc glans *H* esset paulò vicinior, quàm etiamnum est ita, ut puncta *n* & *o*

essent in locis, notatis I, K, atque per consequens

Fig. XII.



spiritus ex illis fuissent egressi, qui tendunt ad 7
& 8, anima percipere deberet illud quod est ad

N &

N&O, mediantibus iisdem manibus, neutiquam quoque mutatis. Notandum tamen est; cùm glans h est inclinata ad partem aliquam solâ vi spirituum, anima rationali sensibusque externis ad productionem idearum, quæ in glandis superficie formantur, nihil conferentibus, ideas non solum provenire ex particularium sibi mutuo occurrentium, ex quibus hi spiritus constant, inæqualitatibus [quas diversitatem complexionis efficere dictum est suprâ] sed etiam ex memoriæ vestigiis. Nam si peculiaris cujusdam objecti figura distinctiùs, quam ulla alia, cerebri parti impressa sit, ad quam glandula accuratè propendeat, spiritus quoque eò tendentes impressionem non possunt non recipere: & hac ratione res præteritæ quandoque merè fortuitò incogitationem redeunt, licet memoria à nullo objecto, quod sensus feriat, admodum excite-
tur. Si vero, quod sæpè contingit, plures atque diversæ figuræ eidem cerebri parti ferè æquè perfectè impressæ reperiantur, spiritus aliquid ex uniuscujusque impressione recipient, plus, minusve, quatenus eorum particulæ diversimodè in eos incurrunt. Atque hoc modo Chimærae, & hippogryphi in eorum componuntur imaginatione, qui vigilando somniant, hoc est, qui phantasiant

tasiam suam, nullis objectis externis ab illis nugis avocant, nullave ratione gubernant, sed laxatis habenis illi per socordiam vagari permittunt. Effectus verò memoriæ, cujus examen hîc majoris utilitatis est, in eo consistit, quod hæc machina, nullâ licet animâ illi inexistente, nihilominus disponi naturaliter possit, ut verorum hominum, aut aliarum quoque rerum similium, quæ præsentibus illi adsunt, motus imitari possit. Altera causa, quæ motus glandis H determinare potest, est actio objectorum in sensus incurren-

Fig. XXXIII. XXXVIII.^{2o} & XLII.



tium. Minimè enim obscurum est, exempli gratiâ,


tia, dilatato introitu tuborum 2, 4, 6, 8. actione objecti A, B, C, spiritus, qui statim liberius & concitatus, quàm antea, per illam ad eos fluere incipiunt, glandulam illam paululum post sese attrahere: quæ si aliunde non impediretur, redderetur inclinatio: atque mutando suorum pororum dispositionem, majorem spirituum copiam emitteret per *a, b, c*, ad 2, 4, 6, 8, quàm antea: quapropter idea, quæ ab illis spiritibus formatur, tanto perfectior redditur. Atque hic effectuum, qui observandi erant, primus est. Alter effectus conspicitur, quod cum glandula sic detinetur aliquò inclinata, ea propter impediatur, quò minus tam facile recipere possit ideas objectorum, quæ aliorum sensuum organa afficiunt. Uti hic, exempli gratia, cum omnes ferè spiritus, quos producit glandula H egrediuntur ex punctis *a, b, c*, sufficienter non egrediuntur ex puncto *d*, ut formare possint ideam objecti D. Unde concludo actionem non esse adeo vivam, nec adeo efficacem, quam *a, b, c*. Ex quibus manifestum est, ideas sibi mutuò obesse: adeoque pluribus intentis, minor est ad singula sensus. Notandum itidem, quotiescunque sensuum organa fortiùs ab hoc, quàm ab illo affici incipiunt, nondum prorsus accuratè ad a-

N.

ctio-

ctionem illam recipiendam disposita, solam ob-
jecti istius præsentiam ad perficiendam illam
dispositionem sufficere. Ut, si oculus, exempli
gratia, sit dispositus ad locum quendam valdè


Figura
XLIII.



remotum aspiciendum, cum fortè objectum
A, B, C, quod est valdè propinquum sese illi of-
ferre incipit: certum est, actionem istius objecti
efficere posse, ut illico disponatur ad illud obtu-
tu defixo aspiciendum. Sed quo hæc omnia
clarius percipiantur, primum considerandum,
differentiam esse inter oculum dispositum ad
videndum objectum remotum, qualis exhibetur
figura 50: & inter eundem dispositum ad viden-
dum

dum objectum paulò propiùs situm, uti ex figu- *Figura*
XLIV.


Fig. XLIII.



ra si apparet: quæ non in eo tantum consistit,
 quod humor crySTALLINUS est paulo incurvator,
 aliæque oculi partes proportionē quadam ali-
 ter sint dispositæ in posteriori figurâ, quam *Figura*
 priori: sed & in eo, quod tubuli 2, 4, 6, inclinati *XLV.*
 sint ad punctum propius: & quod glandula H
 paululum ad eos accesserit: & quod pars super-
 ficiei a, b, c, proportionē quadam sit paulò in-
 curvator; ut in unâ non minùs, quam in alterâ
 figurâ, semper ex puncto a spiritus egressi ten-
 dant

dant in tubulum 2, ex puncto *b* in tubum 4, & ex puncto *c* in tubum 6. Considerandum quoque,

Fig. XLV. & XLVI.



solum motum glandulæ *H* sufficere ad tubulorum situm immutandum: & per consequens toti oculo aliam dispositionem inducendam: quemadmodum supra generalius indicatum, eos omnia corporis membra movere posse. Considerandum deinde; tubulos 2, 4, 6, posse tanto magis esse apertos per actionem objecti *A, B, C*, quanto oculus ad illud videndum magis est dispositus. Nam si radii, qui incidunt, exempli
gra-


gratia, in punctum 3, omnes veniant à puncto B, uti fit, cum oculus aciem istuc intendit, manifestum & verò necesse est, eorum actiones fortiùs ferire filamenta 3, 4, quam si partim prodirent ab A, partim à B & partim à C. Uti accidit simulac oculus situ paulò diverso est compositus. Huius rei ratio est, quia ipsorum actiones neque sibi adeo similes, neque etiam sibi unitæ, ejusdem prorsus efficacix esse nequeunt: imò sæpenumero alię aliis obsunt. Quod tamen duntaxat locum habet in objectis, quorum lineamenta non sunt admodum similia, neque admodum confusa, non verò in aliis: neque etiam in iis, quorum distantiam oculus accuratè distinguere potest. Ulteriùs considerandum; glandulam h. facilius moveri posse in illam partem, in quam se inclinando, disponet oculum ad recipiendam actionem objecti, quod omnium efficacissimè, & distinctissimè in ipsum agit, quàm ad eas partes, ubi contrarium efficere posset. Quemadmodum exempli gratia, ex figura 50. constat vires longè minores necessarias esse ad ipsam incitandam, ut paulo magis inclinetur antrorsum, quàm ut se recipiat retrorsum. Etenim retrò cedendo, oculum minus redderet dispositum, quàm est, ad recipiendam actionem objecti A, B, C. At-

que ita in causa esset, quod tubuli 2, 4, 6, ea actione minus essent aperti: spiritusque, qui egrediuntur ex punctis *a, b, c*, minus liberè in istos tubos profluere. E contra antrorsum propendens, effectum planè contrarium produceret. Nimirum, oculo se ad actionem illam disponente, tubuli 2, 4, 6, aperirentur magis, & per consequens, spiritus scaturientes ex punctis *a, b, c*, ad eos multo liberiùs profluere: & proinde simulac glandula vel minimo motu inciperet affici, spirituum effluxus ipsam eodem momento abriperet transferretve: eique moram sese sistendi non permetteret, antequam eo modo esset disposita, quo modo eam sitam exhibet figura 51. atque oculus directè respiceret *A, B, C*. Solum igitur restat indicanda causa, quâ ea sic moveri incipiat: quæ ordinariò nulla alia est, præter efficaciam ipsius objecti, quod cujusvis sensus organa feriens, aperit orificia quorundam tubulorum, qui existunt in interiori cerebri superficie: quò spiritus ocyus convolantes, glandulam quadantenus secum rapiunt. At, si illi tubuli æquè aut magis aperti fuerint, quàm objectum illud eosdem aperit: cogitandum, spirituum particulas, quæ in eorum poros profluunt, cum sint inæquales, illam modo huc, modo illuc, oculi nictu

li nictu citius, quaquavorsum promptissimè convertere nullam requiem illi, vel per momentum concedentes. Et si quodam fortè impulsu moveatur eò, quò se facile inclinare nequeat, illa actio ex se minus efficax, ferè nihil efficiet. Sed è contra statim atque glandula vel à re minima pellitur ad locum, quò jam omninò propendet, eò quoque confestim sese vertet: adeoque organon sensus ad objecti sui actionem tam perfectè, quàm fieri potest, recipiendā disponet.

32. Tandem spiritus deducamus in nervos

Fig. XXXIII. XXXVIII.^{2o} & XLII.



usque, & motus ex iis dependentes perpendamus.

Figura
XXXVIII.

mus. Si tubulorum in intima cerebri parte sitorum alii non magis, aliove modo hient, quàm alii: & consequenter, si spiritus peculiaris cujusdam ideæ impressionem non habeant, temerè atque indifferenter quaquavorsum diffunduntur, transeuntque per poros, qui sunt circa B in eos, qui sunt circa C. Unde subtiliores eorum particulæ ex cerebro per poros pelliculæ, quæ eam involvit, planè effluent: residuæ verò deinde spirituum partes profluentes ad D, transibunt in nervos & musculos, nullum effectum peculiarem in iis edentes: quandoquidem omnibus æqualiter distribuuntur. Si verò illorum tubulorum, quidam actione objecti in sensus agentis, magis minusve hient: aut etiam àlter sint aperti, quàm illorum vicini, filamenta cerebri substantiam componentia [quorum per consequens alia aliis quoque paululum intensiora aut remissiora existunt] ducent spiritus ad certam suæ baseos partem: indeque in certos nervos vel majori, vel minori vi, quam in alios. Quod suffecerit ad diversum motum in musculis excitandum, uti fusiùs explicatum suprà.


33. Ut autem concipias motus illos similes iis, quibus nos diversis objectorum actionibus, sensus nostros afficientibus, naturaliter incitamus:

mur: velim sex diversas circumstantiarum species
mecum expendas, à quibus illi dependeant. Prima
est locus: unde actio provenit, quæ tubulorum il-
lorum quosdam aperit, in quos spiritus primùm
ingrediuntur. Secunda consistit in efficacia, aliis-
que istius actionis qualitatibus. Tertia in dispo-
sitione filamentorum, quæ substantiam cerebri
componunt. Quarta in inæqualitate virtutis &
efficaciæ, quam particulæ spiritus habere possunt.
Quinta in membrorum externorum diverso si-
tu. Et sexta in occurso plurium actionum, quæ
sensum eodem tempore movent. Quod ad lo-
cum attinet, unde actio procedit: jam abunde
constat; quod si, exempli gratia, objectum A, B, C,
in alium sensum, quàm in visum ageret, in inte-
riori cerebri superficie alios tubos aperiret,
quam eos, qui notantur 2, 4, 6. Si verò objectum
propinquius esset, aut remotius, aliove situ, re-
spectu oculi, quàm jam existit, posset quidem
eosdem tubos referare, sed alio situ disponerentur,
quàm impræsentiarum: & proinde spiritus
adducerent ad alia loca, quam ad *a, b, c*, quo eos
jam deducunt. Atque ita de cæteris. Quod atti-
net ad diversitatem qualitatum actionum, quæ
tubulos illos aperiunt: etiam illud manifestum
est, eas quoque pro sua diversitate eosdem di-

versimodè aperire. Et cogitandum, solam hanc
dissimilitudinem sufficere ad cursum spirituum
in cerebro immutandum. Uti, exempli gratia;

Figura
XLVI.

Fig. XLV. & XLVI.



si objectum A, B, C, est rubrum, id est, si ageret
in oculum 1, 3, 5, quemadmodum [uti quoque su-
pra dictum] requiritur, ut color rubicundus sen-
tiatur: & si objectum illud ulterius sit affectum
figurâ pomi, aliufve fructus: cogitandum est, il-
lud certâ quâdam ratione aperturum tubulos
2, 4, 6. Quæ causa erit, quod particulæ cerebri,
quæ sunt versus N, paulo magis solito se mutuo
premunt,

premant, aliis in alias agentibus: & quæ sunt circa o, discedant à se mutuò: ita ut spiritus, qui intrabunt per illos tubulos 2, 4, 6, moveantur ab n per o, versus p. Et si illud objectum A, B, C, alterius cujusdam coloris, aliusque figuræ foret, præcise eadem illa filamenta, quæ sunt circa n & o, non essent in causa, quod eo tenderent spiritus, qui intrant per 2, 4, 6, sed alia hisce vicina eos aliorsum deducerent. Si verò calor ignis A, qui propè adest manui B, mediocris foret, cogitandum est, modum, quo tubos 7 aperit, esse causam, quare partes cerebri, quæ sunt circa n, premerentur: illæ verò, quæ sunt circa o, paulò magis, quàm solent, dilatarentur. Atque ita spiritus, qui procedunt ex tubo 7, tenderent per o ad p. Sed posito, ignem illum urere manum: cogitandum est, illum sua actione usque adeo aperire tubulos 7, ut spiritus, qui in illum influunt, vim habeant longiùs tendendi per lineam rectam, quam usque ad n: nimirum usque ad r: ubi propellentes particulas cerebri, quæ illis in transitu occurrunt, eas ita premunt, ut per ipsas repellantur ad s. Et sic de cæteris. Quod ad filamentorum dispositionem, quæ cerebri substantiam componunt: hæc aut acquisita est, aut naturalis. Et quia acquisita dependet ab omnibus aliis circumstan-

tiis, quæ spirituum cursum immutant, eam postea commodiùs explicavero. Sed ut exponam, qua in re naturalis ipsorum dispositio consistat:

Fig. XLVII.



animadvertendum est, Deum hæc filamenta formando sic disposuisse, ut ductus porique, quos inter illa reliquit, deducere possint spiritus, peculiari quadam vi agitados, in omnes nervos, in quos tendere debent, ut in hac machina eisdem
motus

motus excitent, ad quos similis actio, ex naturæ nostræ instinctu promanans, nos incitare posset. Quemadmodum, exempli gratia, ubi ignis A urit manum B, efficitque, ut spiritus, qui intrant per tubulum 7, tendant ad o: spiritus isti duos poros ductusq; principes inveniunt o, r, & o, s. Quorum unus o, r, eos defert in omnes nervos, qui

Figura
XLVIII.


Fig XLVIII.





membris exterioribus movendis inserviunt, eo modo, qui requiritur ad istiusmodi actionis vim

evitandam: nimirum in eos, qui retrahunt manum, aut brachium, aut totum corpus: & in eos, qui caput circumagunt, & oculos ad ignem convertunt, quo distinctius prospiciant, quid facto opus sit, ut sibi caveat. Per alium verò ductum *o, s*, spiritus in omnes eos nervos transeunt, qui inserviunt motibus interioribus, similibus iis, qui in nobis sequuntur dolorem: videlicet in eos, qui cor restringunt, jecur agitant: aliosque his similes. Quemadmodum etiam in eos nervos, qui externos illos motus efficere queunt, quibus motus isti interiores significantur: uti in eos, qui excitant lachrymas, qui frontem, genasque corrugant, qui que vocem ad ejulandum disponunt. At si manum *B*, valde frigidam ignis *A* non ureret, sed mediocriter modo calefaceret, efficeret, ut iidem spiritus, qui intrant per tubum *7*, non amplius tenderent ad *o*, sed ad *r*: ubi iterum invenirent poros ita dispositos, ut per eos transire possent in omnes nervos, motibus, qui huic actioni conveniunt, deservientes. Notandum, me non sine ratione distinxisse duos poros *o, r* & *o, s*. Nimirum, ut commonefacerem, ferè semper duas motus species à quacunque actione provenire. Excitantur quippe motus externi, quibus illa, quæ appetimus, prosequamur, & notitu-

Fol. iio. N.º i.









citura evitemus. Et interni, quos passionum principium vulgò nominamus, & qui Cor atque jecur disponunt, omniaque alia organa, à quibus temperamentum sanguinis, adeoque & spirituum dependere possit: ut horum spirituum illi, qui tùm nascuntur, apti sint ad exteriores motus excitandos, qui pro re nata requiruntur. Hoc enim posito, diversas qualitates spirituum causari unam earum circumstantiarum, quæ inserviunt illorum cursuum immutationi [uti modo sum explicaturus] facile conceptu est: si, exempli gratia, malum quoddam per vim evitandum, adeoque superandum, aut depellendum, quo cholericæ passio nos inclinat, spiritus non posse non esse inæqualiùs & fortiùs solito agitados. Et è contra, si quid dissimulando evitari, aut patienter ferre oporteat, quò timor propendet, minor spirituum copia, minorque eorum vehementia requiritur. Ad quem effectum producendum cor restringendum est, parcendumque spiritibus, quippe ad hoc opus asservandis. Haud dispari ratione de cæteris passionibus analogicè judicandum. Quod ad alios motus exteriores, qui fugiendo malo, aut bono consequendo non conducunt, sed solummodo quædam sunt passionum testimonia; ut risus, fletusve: illi utique,
nisi

nisi occasione quadam non resultant: & quia nervi, per quos spiritibus ingressus patet ad illos creandos, originem suam sortiuntur proximè illis, per quos spiritus ad excitandas passiones sese recipiunt: uti ex anatomia est manifestum. At verò nondum demonstravi, quâ ratione diversæ spirituum qualitates vi polleant illorum cursus determinationem immutandi. Quod imprimis accidit, cum aliunde non nisi parumper, vel prorsus non sunt determinati. Uti si fortè nervi stomachi afficiantur eo modo, quo, ut dictum supra, eos moveri necesse est, ut fames excitetur: & interea nil quicquam esculenti, aut poculenti ulli sensui aut memoriæ sese offerat; spiritus, quos illa actio in cerebrum introducet per tubulos 8, eo loci se recipient, ubi plures invenient poros, ita dispositos, ut per eos in omnes nervos indifferenter queant deferri, quibus machina nostra quærere aut assequi objectum quoddam possit: Ut sola eos particularum istarum inæqualitas in hos potius nervos, quàm in alios queat derivare. Et si contingat fortiores quasdam spirituum particulas ad certos quosdam nervos deferri: continuò autem post alias, quasdam fortiores ad nervos hisce contrarios sese proripere: hæc machina imitabitur motus, qui

qui, cum hæsitamus, aut de re quapiam dubitamus, nobis accidunt. Similiter si actio ignis A est media inter eas, quæ spiritus deducere pos-

Fig. XLVII.



sunt ad o, & ad r, id est, inter illas, quæ dolorem
& voluptatem progignunt: non est difficile in-
tellectu, solam multiplicem illorum inæqualita-
tem, quæ ipsis inest, sufficere ad eos determinan-
dos in hos, aut illos, prout actio nobis grata,

P

cùm

cùm animo sumus hilari, sæpenumerò displicet, cum tristi melancholia torquemur. Hinc itaque petenda ratio eorum, quæ de complexionibus vel inclinationibus, cùm naturalibus, tum acquisitis dicta sunt, quatenus à spirituum differentia dependent. Quod verò ad diversum externorum membrorum situm attinet: solummodo cogitandum, eum mutare poros, per quos spiritus in nervos immediatè deferuntur: ita ut, ex-

Fig. XLVIII.



empli gratia, si, cum ignis A comburit manum
B, caput

B, caput in sinistram partem vergeret, uti jam è contra in dextram partem est inclinatum, spiritus fluereut planè, uti etiamnum transeunt à 7 ad N, deinde ad O, indeque ad r & s. Sed ab r cum illis transeundum esset ad x, quo eos tendere debere suppono, ut caput ad manum dextram conversum reducant, se conferrent ad z: quo, juxta id quod suppono, tendere deberent, si caput sinistrorsum esset conversum. Quandoquidem ille capitis situs, qui nunc est causa, quod filamenta substantiæ cerebri, quæ sunt circa x, multo sunt laxiora, atque faciliùs ab invicem separari queunt, quam illa quæ sunt circa z: mutato illo situ contrarium efficeret: illa enim, quæ sunt circa z, essent laxiora: illa verò quæ sunt circa x, valdè tensa atque adstricta. Ut intelligatur, quomodo unica actio sine ulla sui mutatione nunc hunc istius machinæ pedem movere possit, nunc alium, uti ad progrediendum necesse est: sufficit cogitare; spiritus transire per unicum duntaxat porum, cujus extremitas aliter sit disposita, ipsoque ducat in alios nervos, quando pes sinister ulteriùs est progressus, quàm dexter. Atque huc referri possunt omnia, quæ de respiratione, similibusque aliisque motibus, qui ordinariò ab aliqua idea non dependent, supra dicta sunt.

34. Huc usque, uti existimo, cunctas vigiliæ functiones abundè satis explicuimus: paucula itaque nobis duntaxat restant de somno dicenda. Nam primò conjiciendi tantum sunt oculi in figuram 50: atque ibidem videre, quomodo

Figura L.

Fig. L.



filamenta D D, quæ sese recipiunt in nervos, ibi comprimantur: ut intelligatur, quomodo hâc machinâ dormientis hominis corpus repræsentante, objectorum externorum actiones maximam partem impediuntur, ne in cerebrum transeant, ut ibi sentiantur: atque spiritibus itidem in cerebro contentis exitus ad membra exteriora,

teriora, quibus hæc commoveantur, præcludatur.

35. Quantum ad somnia attinet: illa dependent partim ab inæqualitate virtutis, quâ constare possunt spiritus egredientes ex glandula *h*: partim verò ab impressionibus memoriæ occurrentibus. Ut neutiquam differant ab illis ideis, quas supra dixi, sæpè formari in eorum imaginatione, qui vigilantes sibi somnia fingunt: nisi quod imagines, quæ somniando formantur, longè distinctiores & vividiores esse queant iis, quæ à vigilantibus efformantur. Hinc ratio petitur, quare eadem vis magis aperire possit tubulos, quales sunt 2, 4, 6. & poros, quales sunt *a*, *b*, *c*. qui formandis ideis serviunt, cum partes cerebri ipsos ambientes sunt flaccidæ, & pendulæ; uti videre licet in figura 50: quàm cum omnes sunt tensæ: uti ex antecedenti figura manifestum. Atque hæc eadem ratio quoque demonstrat, si forte cuiusdam objecti actio, quæ moveat sensum, usque ad dormientis cerebrum transeat, non fore illico ut hæc eandem ideam formet, quàm vigilans excitaret; sed longè insigniorem, magis admirandam, & quæ sensus vehementius afficeret. Uti, quum dormientes, à cuculle compuncti, somniamus nos gladio perfodi:

Si minùs fortè simus cooperti, planè nudos nos esse imaginamur: si verò stragulis paululùm aggravemur, montibus nos obrui putamus. Cæterùm durante somno, substantia cerebri requiescens otium habet ad sese nutriendam & reficiendam: irrigata quippe sanguine contento in venulis & arteriolis in externa ejus superficie apparentibus. Adeoque paulò post poris ejus magis obturatis, spiritus tantâ vi non indigeant, quantâ priùs ad universum cerebri fornicem expandendum & sustinendum. Planè, quemadmodum ventus tam vehemens non requiritur, quo madida navigii vela turgeant, quàm quo sicca. Spiritibus verò corroboratis, quia sanguis eos producat, in cor multoties eundo & redeundo [uti supra notavimus] defæcator jam est: omninò sequitur, machinam, nostram postquam diu satis dormivit, sua sponte naturaliter expergefieri. Quemadmodum & vice versâ iterum somno sese traditura est, postquam diu satis vigilaverit. Quandoquidem, durante vigiliâ, cerebri substantia continuis spirituum actionibus sensim siccior evasit, porique latiores: adeoque rùm comedens, uti fit, si cibum reperiat, fame ipsam stimulante; cibi succus, sive chylus, sanguini ejus sese immiscens, ipsum crassiorem reddit:

dit: facitque, ut pauciores spiritus producat. Non hic dicam, quomodo strepitus, dolor, aliæque actiones, quæ interiores cerebri partes interven-
tu organorum sensuum illius commovent: non lætitia, & ira, nec similesque aliæ passiones, quibus spiritus concitantur: & exsiccatio itidem aëris, qua sanguis illius subtilior redditur, similiaque alia somnum impedire queant: neque verò etiam, quomodo silentium, tristitia, humiditas aëris & similia è contra eundem invitent: neque quomodo nimia sanguinis profusio, nimium jejunium, largior copia Bacchi, similesque alii excessus: & ejusmodi, quæcunque natura secundum temperamentorum diversitatem spirituum vim augmentia, vel diminuentia, nimias vigilias, vel etiam nimium somnum inducere possint: neque quomodo nimis vigiliis cerebrum debilitetur, & nimio somno ingravescat, adeoque machina reddatur similis amenti, stupidove: neque alia ejusdem generis infinita: quæ nimirum ex iis, quæ explicata sunt, haud difficulter innotescunt. Sed antequam animæ rationalis descriptionem ordiar, memoriâ tantisper ea omnia teneamus, quæ hætenus de machinâ nostrâ dicta sunt. Et verò consideremus; Primò quidem, me nullas valvas, spiras, ullave organa, suppo-
suisse,

Figur. LI. fuisse, nisi quibus prorsus similia tam in nobis,
LII. LIII. quam in pluribus animalibus ratione destitutis,
LIV. LV. facillimè possint demonstrari. Illa enim quod
LVI. & spectat, quæ visu clarè percipiuntur, ab Anato-
LVII. micis manifestè sunt demonstrata. Tùm, quæ
dixi de modo, quo arteriæ spiritus in cerebrum
deferunt, atque de differentiâ inter concavam
cerebri superficiem, ejusdemque partes interio-
res: eorum quoque, si modo cuncta diligentius
introspectantur, sat multa indicia oculis obser-
vare licebit, quibus omne dubium eximatur.
Sed neque majori etiam jure dubitare quis pos-
sit de valvulis, quas nervis in musculorum introi-
tu affixas exposui: modo attendant, naturam eas
generali quodam decreto omnibus corporis
nostri locis indidisse, per quæ materia quædam
ordinariò ingredi consuevit, quæ regressum co-
nari posset: prout in introitu cordis, fellis, gut-
turis, crassiorum intestinorum, & in præcipuis
omnium venarum divisionibus, sive ramis.
Quod autem ad cerebrum attinet: non possis
etiam quicquam rationi convenientius imagi-
nari, quam ex pluribus filamentis, diversimodè
contextis, illud compositum esse: quandoqui-
dem omnis cutis, omnisque caro itidem ex fi-
bris, filamentisque contextæ conspiciuntur.

Quod

Fol. 118


Fig. LI.






Fig. LII


Fol. 118









B




Fol. 118. *Fig.* I. IV.












Fol. 118. N.º. 56











Quod & in omnibus *Figura*
plantis animadverti- *LVIII.*

mus. Ut hæc proprietas
quædam videatur quo-
rumvis ejusmodi cor-
porum, quæ particula-
rum aliorum corporum
appositione crescere at-
que nutriri queunt.
Quoad cetera verò, quæ
supposui, & quæ in sen-
sus non incurrunt, illa
omnia tam simplicia
sunt, & communia: imò
& tam exiguo numero,
ut, si comparentur cum
diversa compositione,
miroque artificio, quod
in stupenda structura
eorum organorum,
quæ videmus, admira-
mur, probabilius penè
videbitur, me plura o-
misisse eorum, quæ no-
bis insunt, quàm quæ-
dam supposuisse, quæ

Q

nobis

nobis non insunt. Et verò cum longè notissimum sit, naturam semper uti mediis omnium facillimis & simplicissimis, existimamus fieri non posse, ut reponantur similia iis, quibus ipsa utitur, quàm ea, quæ recensuimus.

36. Postremò velim consideres omnes functiones, quas huic machinæ adscripsi; cibi videlicet concoctionem, cordis arteriarumque pulsus, membrorum nutritionem, augmentationemque, respirationem, vigiliam & somnum, luminis receptionem, sonorum, odorum, gustus, caloris, aliarumque similium qualitatum in organis externorum sensuum: sed & impressionem idearum, ab ipsis efformatarum in organo sensus communis: tum conservationem illarum idearum in memoria: internos præterea motus appetitus atque passionum: denique motus externos membrorum omnium, qui tanta harmonia sequuntur, tam objecta sese sensibus offerentia, quam passiones & impressionem in memoriâ invicem occurrentes, quas tam accuratè, quàm fieri potest, imitantur. Ut hæc, inquam, functiones in machina nostra hæc omnia naturaliter sequantur per solam Organorum suorum dispositionem. Omnino quemadmodum motus horologii aliufve istiusmodi automaticis

matris per dispositionem appensorum ponderum & rotularum. Ut propter illos videlicet motus necesse non sit concipere aliam quandam animam, sive vegetativam sive sensitivam, aliudve motus, vitæque principium, quàm sanguinem illius, & spiritus agitados: nimirum calore ignis, qui in corde illius jugiter ardescit. Cui sane igni alia non est natura, quam cæteris omnibus, qui corporibus inanimatis inesse deprehenduntur.


F I N I S.



N O T A.

Quotiescunque in textu fit mentio figurarum 40 & 41. 48 & 49. 50 & 51. eas intellige secundum numerum figurarum, quas ipse Des Cartes designaverat. Ego existimo eam, quæ nobis est XLIV. Cartesio esse 50: eam verò, quæ nobis est XLV, Cartesio vocari 51. Sed quia illa, quæ nobis est L. etiam Des Cartes 50 dicitur, & tamen ab altera planè diversa est, dubium non est, quin eo loci mendum in Manuscriptum irrepperit. Confer p. 98. 99. 101. 102. 114. 115. Figuræ, quæ p. 73. à Des Cartes appellantur 48 & 49. utcunque repræsentantur nostrâ xxxi. & xxxiv. Figuræ denique Cartesii 40 & 41. mihi sunt, xxxviii. pag. 87, & Figura sequens pag. 89. P. 43. lineola F in novem partes æquales fuisset dividenda. Pag. 44. fig. xv. infra E ponatur N. ut sit N I. I. N. Pag. 61. lin. 15. lege medio. P. 100. Cyphræ figuræ XLVI ita sunt invertendæ $\begin{matrix} 6 & \dots & 5 \\ 4 & \dots & 3 \\ 2 & \dots & 1 \end{matrix}$ In Figura XLVII. & XLVIII. litera o sursum paulum removendum. Pag. 112. linea antepenultima dele comma. Fig. LI & LII. pag. 118. Cerebrum caprinum repræsentant: Ceteræ humanum. Figura LVII. Glandulam in ipsa syzygia arteriarum Cerebri & Venarum falcis sitam exhibet. Sphalma, quod numeris, quibus Figuræ designantur, quandoque accidit, Lector haud difficulter animadvertet. Figuram hic subjectam adde sis figuræ xxv. Pag. 61. & Vale.





COMPLETE (NOIRMAN)

10 PLACES (all flaps present)

Guibert 196 (1)

RARE 84-B
21095

Inv. #

